



新刻呂氏春秋纂要月令

全

上海圖書館藏

上海圖書館藏

左春坊對溪陳經邦纂輯

脩撰鍾台田一僞標題

後學錢唐胡文煥校正

天象所在

孟春之月。日在營室。昏參中。旦尾中。其日甲乙。其帝

太皞。其神句芒。其蟲鱗。其音角。律中太簇。其數八。其

味酸。其臭羶。其祀戶。祭先脾。東風解凍。蟄蟲始振。魚

上水。獺祭魚。候鴈北。天子居青陽左个。乘鸞輅。駕蒼

龍。載青衿。衣青衣服。青玉。食麥與羊。其器䟽以達。

迎春而錫臣恩

是月也。以立春。先立春三日。太史謁之。天子曰。某日立春。盛德在木。天子乃齋。立春之日。天子親率三公九卿。以迎春於東郊。還乃賞公卿。諸侯大夫於朝。命相布德和令。行慶施惠。下及兆民。慶賜遂行。無有不當。

謹占候而循其常

廼命太史守典奉法。司天日月星辰之行。宿離不忒。無失經紀。以初爲常。

祁年而舉耕籍

是月也。天子乃以元日祈穀於上帝。乃擇元辰。天子親載耒耜。措之于參保介之御間。率三公九卿諸侯大夫。躬耕帝籍田。天子三推。三公五推。卿諸侯大夫九推。反執爵于太寢。三公九卿諸侯大夫皆御。命曰勞酒。

王者因時勸農

是月也。天氣下降。地氣上騰。天地和同。草木繁動。王布農事。命田舍東郊。皆修封疆。審端經術。善相丘陵阪險原隰。土地所宜。五穀所殖。以教道民。必躬親之。田事既飭。始定準直。農乃不惑。

王者因時教舞

是月也。命樂正入學習舞。乃修祭典。命祀山林川澤。犧牲。無用牝。禁止伐林。無覆巢。無殺孩蟲。胎天飛鳥。無麇無卵。無聚大衆。無置城郭。擗骼埋燬。

生德之時不用兵

是月也。不可以稱兵。稱兵必有天殃。兵戎不起。不可。以從我始。無變天之道。無絕地之理。無亂人之紀。孟。春行夏令。則雨水不時。草木早落。國乃有恐。行秋令。則民大疫。疾風暴雨數至。藜莠蓬蒿並興。行冬令。則水潦爲敗。霜雪大摯。首種不入。

化育流行

仲春之月。日在奎。昏弧中。旦建星中。其日甲乙。其帝太皞。其神句芒。其蟲鱗。其音角。律中夾鍾。其數八。其味酸。其臭羶。其祀戶。祭先脾。始雨水。桃李華。倉庚鳴。鷹化爲鳩。

先王順時愛護人物

天子居青陽太廟。乘鸞輅。駕蒼龍。載青衿。衣青衣服。青玉。食麥與羊。其氣䟽以達。是月也。安萌芽。養幼小。存諸孤。

祭社而省獄

擇元日命人社命有司省囹圄去桎梏無肆掠止獄訟。

因物類之應候而行祀之大典

是月也玄鳥至至之日以太牢祀于高禘天子親往后妃率九嬪御乃禮天子所御帶以弓韠授以弓矢于高禘之前。

陽氣盛而物類應

是月也日夜分雷乃發聲始電蟄蟲咸動開戶始出謹天威

先雷三日奮鐸以令于兆民曰雷且發聲有不戒其

容止者生子不備必有災凶。

謹天時以齊人事

日夜分則同度量鈞衡石角斗桶正權槩。

農隙可用民而不可妨民

是月也耕者少舍乃修閭扇寢廟必備無作大事以妨農功。

因時以禁漁獵

是月也無竭川澤無漉陂池無焚山林。

獻冰習樂

天子乃獻羔開冰先薦寢廟上下命樂正入舞合采。

天子乃率三公九卿諸侯親往視之中丁又命樂正入學習樂。

因時惜物而有待

是月也。祀不用犧牲。用圭璧。更皮幣。

逆天時則有害

仲春行秋令。則其國大水。寒氣總至。寇戎東征。行冬令。則陽氣不勝。麥乃不熟。民多相掠。行夏令。則國乃大旱。燠氣早來。蟲螟爲害。

天象之所在

季春之月。日在胃。昏。心星中。旦。牽牛中。其日甲乙。其

帝太皞。其神句芒。其蟲鱗。其音角。律中姑洗。其數八。其味酸。其臭羶。其祀戶。祭先脾。

物類應候

桐始華。田鼠化爲鴛。虹始見。萍始生。

因時而異居

天子居青陽右个。乘鸞輅。駕蒼龍。載青衿衣。青衣服。青玉。食麥與羊。其器疏以達。

因時而獻服于君

是月也。天子乃薦鞠衣於上帝。

躬親漁事

命舟牧覆舟。五覆五反。乃告舟備具于天子焉。天子  
焉始乘舟。薦鮪于寢廟。乃爲麥祈實。

造化生道不可逆。人主仁政所由行。

是月也。生氣方盛。陽氣發泄。生者畢出。萌者盡達。不  
可以內。天子布德行惠。命有司發倉窳。賜貧窮。振乏  
絕。開倉庫。出幣帛。周天下。勉諸侯。聘名士。禮賢者。

因時而行仁政。

是月也。命司空曰。時雨將降。下水上騰。循行國邑。周  
視原野。修利畝澮。導達溝瀆。開通道路。無有障塞。

因時而田獵。

田獵。罽戈。罝罾。羅網。餽獸之藥。無出國門。

養蠶之事。

是月也。命野虞無伐桑柘。鳴鳩拂其羽。戴勝降于桑。  
具挾曲。蒙筐。后妃齋戒。親東鄉躬桑。禁婦女無觀。省  
婦使。勸蠶。

蠶成之事。

蠶事既登。分繭稱絲。效功。以供郊廟之服。無有敢墮。

修五庫。

是月也。命工師。百工審五庫之量。金鐵皮革筋骨。  
齒羽箭幹。脂膠丹漆。無或不良。

立成器以利天下

百工咸理。監工日號。無悖於時。無惑作爲淫巧。以蕩上心。

卜日以習樂

是月之末。擇吉日大合樂。天子乃率三公九卿諸侯大夫同往視之。

仁及于物

是月也。乃合羸牛騰馬。游牝于牧。犧牲駒犢。舉書其數。

讎以逐疫

國人讎。九門礫禳。以畢春氣。

天氣逆則衆災興

季春行冬令。則寒氣時發。草木皆肅。國有大恐。行夏令。則民多疾疫。時雨不降。山陵不收。行秋令。則天多沉陰。淫雨早降。兵革並起。

天象所象

孟夏之月。日在畢。昏翼中。旦婺女中。其日丙下。其帝炎帝。其神祝融。其蟲羽。其音徵。律中仲呂。其數七。其性禮。其事視。其味苦。其臭焦。其祀竈。祭先肺。

物類應候



螻蟪鳴。蚯蚓出。王瓜生。苦菜秀。

異其飲食衣服器

天子居明堂左个。乘朱輅。駕赤駟。載赤旂。衣赤衣服。赤玉。食菽與鷄。其器高以桴。

迎夏而賜恩

是月也。以立夏。先立夏三日。太史謁之。天子曰。某日。立夏。盛德在火。天子乃齋。立夏之日。天子親率三公九卿大夫。以迎夏於南郊。還乃行賞封侯。慶賜無不欣悅。

命官習樂國人不間

乃命樂司習合禮樂。命太尉贊傑雋。遂賢良。舉長。大行爵出祿。必當其位。

原生物而不傷

是月也。繼長增高。無有壞隳。無起土功。無發大衆。無伐大樹。是月也。天子始絺。命野虞出行田原。勞農勸民。無或失時。

治田不失其時

命司徒循行縣鄙。命農勸作。無休于都。

除害興利

是月也。驅獸無害五穀。無大田獵。

獻麥祀先

農乃收麥升獻天子乃以稊嘗麥先薦寢廟

聚藥薄刑

是月也聚蓄百藥糜草死麥秋至斷薄刑決小罪出  
輕繫

取蠶成之稅供祀神之服

蠶事既畢后妃獻繭乃收繭稅以桑爲均貴賤少長  
如一以給郊廟之祭服

因時而接人

是月也天子飲耐用禮樂

天時逆而物害興

孟夏行秋令則若雨數來五穀不滋四鄙入保行冬  
令則草木早枯後乃大水敗其城郭行春令則蟲蝗  
爲敗暴風來格秀草不實

天象所在祭異其物

仲夏之月日在東井昏亢中旦危中其日丙子其帝  
炎帝其神祝融其蟲羽其音徵律中蕤賓其數七其  
味苦其臭焦其祀竈祭先肺

物類應候

小暑至螳螂生鵙始鳴反舌無聲

因時異同而順長養之令

天子居明堂太廟乘朱輅駕赤駟載赤旂衣朱衣服赤玉食菽與雞其噐高以捕養壯狡

音噐

是月也命樂師修鞀鞀鼓均琴瑟管簫執干戚戈羽調竽笙壎篪飭鍾磬祝噐

行祈典

命有司爲民祈祀山川百原大雩帝用盛樂乃命百縣雩祭祀百辟卿士有益於民者以祈穀實農乃登黍

薦黍于寢廟

是月也天子以雛嘗黍羞以含桃先薦寢廟

順時而不逆

令民無刈藍以染無燒灰無暴布門閭無閉關市無索挺重囚益其食游牝別其羣則繫騰駒班馬正

飾躬而省罰

是月也長日至陰陽爭死生分君子齊戒處必揜身欲靜無躁止聲色無或進薄滋味無致和節嗜欲定心氣百官靜事無刑以定晏陰之所成

時物之應

鹿角解。蟬始鳴。半夏生。木堇榮。

當陽明之時。履陽明之地。

是月也。無用火。南方可以居高明。可以遠眺遠。可以登山陵。可以處臺榭。

時逆則人物俱傷。

仲夏行冬令。則電霰傷穀。道路不通。暴兵來至。行春令。則五穀晚熟。百蟲時起。其國乃饑。行秋令。則草木零落。菓實早成。民殃於疫。

天象所在

季夏之月。日在柳。昏火中。旦奎中。其日丙丁。其帝炎

帝。其神祝融。其蟲羽。其音徵。律中林鍾。其數七。其味苦。其臭焦。其祀竈。祭先肺。

氣極其至。物乘其機。

涼風至。蟋蟀居壁。鷹乃學習。腐草化為螢。

因時異用

天子居明堂右个。乘朱輅。駕赤駟。載赤旂。衣朱衣服。赤玉。食菽與雉。其器高以狃。

因時取物

是月也。令漁師伐蛟。取鼃。升龜。取鼈。乃命虞人入材。芻。

惜民力以供祀以祈福

是月也。令四監大夫合百縣之秩。芻以養犧牲。令民無不咸出其力。以供皇天上帝。名山大川四方之神。以祀宗廟社稷之靈。爲民祈福。

染采遵其制備用便其宜

是月也。命婦官染采。黼黻文章。必以法故。無或差忒。黑黃蒼赤。莫不質良。勿敢僞詐。以給郊廟祭祀之服。以爲旗章。以別貴賤等級之度。

伐木而禁大事

是月也。樹木方盛。乃命虞人入山行木。無或斬伐。不

可以興土功。不可以合諸侯。不可以起兵動衆。無舉大事。以搖蕩於氣。無發令而干時。以妨神農之事。水潦盛昌。命神農將巡功。舉大事。則有天殃。

因天時而爲地利

是月也。土潤溽暑。大雨時行。燒薙行水。利以殺草。如以熱湯。可以糞田疇。可以美土疆。

時逆而害起

行之是令。是月其雨三至。三旬二日。季夏行春令。則穀實解落。國多風欬。人乃遷徙。行秋令。則丘隰水潦。禾稼不熟。乃多女灾。行冬令。則寒氣不時。鷹隼早鷙。

四鄙入保。

于中央之時而音樂配乎土德

中央土其日戊己其帝黃帝其神后土其蟲裸其音宮律中黃鍾之宮其數五其味甘其臭香其祀中霤祭先心天子居太廟太室乘大輅駕黃駟載黃旂衣黃衣服黃玉食稷以牛其器圜以棗。

天象所在

孟秋之月長日至日在翼昏斗中旦畢中則立秋其日庚辛其帝少皞其神蓐收其蟲毛其音商律中夷則其數九其味辛其臭腥其祀門祭先肝。

物類應候

涼風至白露降寒蟬鳴鷹乃祭鳥用始行戮。

因時異用

天子居總章左个乘戎輅駕白駱載白旂衣白衣服白玉食麻與犬其器廡以深。

因時備武事以討罪而服遠

是月也以立秋先立秋三日太史謁之天子曰某日立秋盛德在金天子乃齊立秋之日天子乃親率三公九卿諸侯大夫以迎秋於西郊還乃賞軍率武人於朝天子乃命將帥選士厲兵簡練傑雋專任有功。

以征不義。詰誅暴慢。以明好惡。順彼遠方。

致謹用刑。所以抑陰之盛。

是月也。命有司修法制。繕囹圄。具桎梏。禁止姦。慎罪。刑。務博執。命理瞻傷。察創視折。審斷決獄。訟必端平。戮有罪。嚴斷刑。天地始肅。不可以嘉。

舉收歛之政。防水患。以固民居。

是月也。農乃升穀。天子嘗新。先薦寢廟。命百官始收歛。完隄防。謹壅塞。以備水潦。修宮室。圻墻垣。補城郭。

慎封遣。而感天時。

是月也。無以封諸侯。立大官。無割土地。行大使。出大

幣。行之是令。而涼風至。三旬

時逆。則人物俱傷。

孟秋行冬令。則陰氣太勝。介蟲敗穀。戎兵乃來。行春令。則其國乃旱。陽氣後還。五穀不實。行夏令。則多火災。寒熱不節。民多瘡疾。

天象所在

仲秋之月。日在角。昏牽牛中。旦觜雉中。其日庚辛。其帝少皞。其神蓐收。其蟲毛。其音商。律中南呂。其數九。其味辛。其臭腥。其祀門。祭先肝。

物順應候

涼風至鴻雁來玄鳥歸羣鳥養羞

因時異服

天子居總章太廟乘戎輅駕白駱載白旂衣白衣服  
曰玉食麻與犬其器廉以深

順時舉養老之典隨分備養老之具

是月也養衰老授几杖行麋粥飲食

衣服有制冠帶有制

乃命司服具飭衣裳文繡有常制有小大度有短長  
衣服有量必循其故冠帶有常

申戒違法受禍

命有司申嚴百刑斬伐必當無或枉撓枉撓不當反  
受其殃

命官循性舉其法著其效

是月也乃命宰祝巡行犧牲視全具案芻豢瞻肥瘠  
察物色必比類量小大視長短皆中度五者備當上  
帝其享

天子乃難以通秋氣以犬嘗麻先祭寢廟

因時為歛藏之備而行戒飭其政

是月也可以築城郭建都邑穿竇窖修囷倉乃命有  
司趣民收斂務蓄菜多積聚乃勸種麥無或失時其



有失時行罪無疑。

物類應候

是月也。日夜分。雷始收聲。蟄蟲俯戶。殺氣浸盛。陽氣日衰。水始涸。日夜分。則一度量。平權衡。正鈞石。齊斤角。

平曰益民得享其報

是月也。易關市。來商旅。入貨賄。以便民事。四方來集。遠鄉皆至。則財物不匱。上無之用。百事乃遂。

舉事必順陰陽之數依類以行

凡舉事無逆大數。必順其時。乃因其類。

時逆則人物俱傷

行之是令。白露降三旬。仲秋行春令。則秋雨不降。草木生榮。國乃有大恐。行夏令。則其國旱。蟄蟲不藏。五穀復生。行冬令。則風灾數起。收雷先行。草木早死。

天象所在

季秋之月。日在房。昏虛中。旦柳中。其日庚辛。其帝少皞。其神蓐收。其蟲毛。其音商。律中無射。其數九。其味辛。其臭腥。其祀門。祭先肝。

物類應候

鴻鴈來賓。爵入大水為蛤。菊有黃華。豺乃祭獸戮禽。

因時異服

天子居總章右个。乘戎輅。駕白駱。載白旂。衣白衣服。白玉。食麻與犬。其器廉以深。

命百官冢宰行收斂之政

是月也。申嚴號令。命百官貴賤無不務內。以會天地之藏。無有宣出。命冢宰農事備收。舉五種之要。藏帝籍之收於神倉。祇敬必飭。

是月也。霜始降。則百工休。乃命有司曰。寒氣總至。民力不堪。其皆入室。上下命樂正入學習吹。

因時舉郊廟之祭。備祭物之具

是月也。大饗帝嘗。犧牲告備于天子。

一正朔公賦稅

合諸侯。制百縣。為來歲受朔日。與諸侯所稅於民。輕重之法。貢職之數。以遠近土地所宜為度。以給郊廟之事。無有所私。

因田修武而示其事

是月也。天子乃教於田獵。以習五戎。班馬政。命僕及七騶。咸駕載旌旒。受車以級。整設于屏外。司徒搢扑。北面誓之。天子乃厲飭。執弓挾矢以獵。命主祠祭禽于四方。

是月也草木黃落。乃伐薪爲炭。蟄蟲咸俯在內。皆墮其戶。乃趣獄刑。無留有罪。收祿秩之不當者。供養之不宜者。是月也。天子乃以犬嘗稻。先薦寢廟。

逆時則害生

季秋行夏令。則其國大水。冬藏殃敗。民多飢噉。行冬令。則國多盜賊。邊境不寧。土地分裂。行春令。則煖風來至。民氣解墮。師興不興。居。

天象所在

孟冬之月。日在尾。昏危中。旦七星中。其日壬癸。其帝顓頊。其神玄冥。其蟲介。其音羽。律中應鍾。其數六。其

味鹹。其臭朽。其祀行。祭先賢。

天時之變

水始冰。地始凍。雉入大水爲蜃。虹藏不見。

因時異服

天子居玄堂左个。乘玄輅。駕鐵驪。載玄旂。衣黑衣服。玄玉。食黍與彘。其器宏以弇。

因時而行賞

是月也。以立冬。先立冬三日。太史謁之。天子曰。某日立冬。盛德在水。天子乃齋。立冬之日。天子親率三公九卿大夫。以迎于北郊。還反賞死事。恤孤寡。

命卜筮而謹其用

是月也。命太卜禱祠。龜策占兆。審卦吉凶。於是察阿黨。則罪無有揜蔽。

命官致謹于公私之藏

是月也。天子始裘。命有司曰。天氣上騰。地氣下降。天地不通。閉塞而成冬。令百官謹蓋藏。命司徒循行積聚。無有不斂。

閉藏之政。合內外而致其謹

圻城郭。戒門閭。修棧閉。慎管籥。固封壘。備邊境。完要塞。謹關梁。塞蹊徑。飭喪紀。辨衣裳。審棺槨之厚薄。營

立隴之小大。高卑厚薄之度。貴賤之等級。

飭工以效能

是月也。命工師效功。陳祭器。按度程。無或作為淫巧。以蕩上心。必功致為上。物勒工名。以考其誠。工有不當。必行其罪。以窮其情。

舉蜡祭之禮

是月也。大飲蒸。天子乃祈來年于天宗。大割牲祠于公社。及門閭。饗禱先祖。五祀。勞農夫以休息之。

因時而命武臣以飭武

天子乃命將帥講武。習射御角力。

取魚之政

是月也。乃命水虞漁師。收水泉漁澤之賦。無或敢侵。削衆庶。飛民。以爲天子取怨于下。其有若此者。行罪無赦。

天時逆而物害興

孟冬行春令。則凍閉不密。地氣發泄。民多流亡。行夏令。則國多暴風。方冬不寒。蟄蟲復出。行秋令。則霜雪不時。小兵時起。土地侵削。

天象所在

仲冬之月。日在斗。昏東壁中。旦軫中。其日壬癸。其帝

顛頊。其神玄冥。其蟲介。其音羽。律中黃鍾。其數六。其味鹹。其臭朽。其祀行。祭先賢。

時物之變

冰始壯。地始圻。鶡鴠不鳴。虎始交。

因時異制

天子居玄堂太廟。乘玄輅。駕鐵驪。載玄旂。衣黑衣服。玄玉。食黍與彘。其器宏以弇。

順時行政

命有司曰。土事無作。無發蓋藏。無起大衆。以固而閉。發蓋藏。起大衆。地氣且泄。是謂發天地之房。諸蟄則

死。民多疾疫。又隨以喪。命之曰暢月。

謹宮中之令

是月也。命閹尹。申宮令。審門閭。謹房屋。必重閉。省婦事。毋得淫。雖有貴戚近習。無有不禁。

造酒之制

乃命大酋。秫稻必齊。麴蘖必時。湛醅必潔。水泉必香。陶氣必良。火氣必得。兼用六物。大酋監之。無有差忒。

祭四海四方水德之神

天子乃命有司。祈祀四海大川。君原。淵澤。井泉。

戒收斂而公利

是月也。農有不收藏積聚者。牛馬畜獸有放逸者。取之不詰。山林藪澤。有能取蔬食。田獵禽獸者。野虞教導之。其有侵奪者。罪之不赦。

君子謹身而靜事

是月也。日短至。陰陽爭。諸生蕩。君子齋戒。處必弇身。身欲寧。去聲色。禁嗜欲。安形性。事欲靜。以待陰陽之所定。

時物之變

芸始生。荔挺出。蚯蚓結。鹿角解。水泉動。

因時用物

日短至。則伐林木。取竹箭。

行閉藏休息之政

是月也。可以罷官之無事者。去器之無用者。塗闕庭門閭。築囹圄。此所以助天地之閉藏也。

天時逆而物害興

仲冬行夏令。則其國乃旱。氣霧冥冥。雷乃發聲。行秋令。則天時雨汁。瓜瓠不成。國有大兵。行春令。則蟲螟爲敗。水泉減竭。民多疾癘。

天象所在

季冬之月。日在婺女。昏婁中。旦氐中。其日壬癸。其帝

顓頊。其神玄冥。其蟲介。其音羽。律中大呂。其數六。其味鹹。其臭朽。其祀行。祭先賢。

物應時

鴈北鄉。鵲始巢。乳雉雛。

舉羣祀以報功

天子居玄堂。右个。乘玄輅。駕鐵驪。載玄旂。衣黑衣服。玄玉。食黍與蕪。其噐宏。以夔命。有司大儺。旁磔出土牛。以送寒氣。征鳥厲疾。乃畢山川之祀。及帝之大臣。天地之神祇。

取魚取冰

是月也命漁師始漁天子親往乃嘗魚先薦寢廟冰  
方盛水澤復堅命取冰冰已入

飭田事

令告民出五穀命司農計耦耕事修耒耜具田器

祭祀之用物

命樂師大合吹而罷乃命四監收秩薪柴以供寢廟  
及百祀之薪燎

天運之週

是月也日窮于次月窮于紀星迴于天數將幾終歲  
將更始

預責天下之牲賦以備來歲之羣祀

專於農民無有所使天子乃與卿大夫飭國典論時  
令以待來歲之宜乃命太史次諸侯之列賦之犧牲  
以供皇天上帝社稷之享乃命同姓之國供寢廟之  
芻豢令宰歷卿大夫至于庶民土田之數而賦之犧  
牲以供山林名川之祀凡在天下九州之民者無不  
咸獻其力以供皇天上帝社稷寢廟山林名川之祀  
行之是令此謂一終三旬二日

天時逆而物害興

季冬行秋令則白露早降介蟲為妖四鄰入保行春



令則胎夭多傷國多固疾命之曰逆行夏令則水潦  
敗國時雪不降冰凍消釋

新刻呂氏春秋纂要月令

畢

經世民事錄序

古昔帝王之有天下曆象授時以重民事  
故虞舜攝位之初整理庶務而兕首察璿  
璣玉衡以齊七政豳風七月之詩成周不  
敢以為後圖至春秋告朔禮廢素王猶幸  
籓羊之存不韋月令在當時已為空文漢  
唐宋以來上無治曆明時之君下未聞有  
左右斯民之功者唐虞成周之象不復見



矣正德間今大冢宰見山先生桂公以名  
進士外試之武康古道屹立為時循良極  
對時育物之心以著教養經綸之策乃首  
奉

皇明大統曆應時計月昭示羣黎使封域  
之內耕作以備農桑以登草木以蕃鳥獸  
以若而無枉閉天殛之患經世嘉謨宣揚  
遍滿政不失時公之惠民大矣嗣是入秉

大政為時股肱念天下郡縣之民無異於  
武康而天下之民事亦武康若也爰取前  
日武康曆象之章以示天下郡縣之吏此  
經國之大計也詔無似辱侍鄉井之餘每  
見公之功烈在廟堂文章在天下皆人人  
共仰而尊信者惟時天官冢宰予奪黜陟  
一付之公如天道然及觀是曆象之數具  
一歲生長收藏之義有物各付物之妙無

少容心於其間固亦銓衡宰物之宗也海  
內衣冠被公之化相忘於用舍舉措之下  
亦如天下之民物咸囿於歲時節序中矣  
公當聖王主泰之時而是集之行使民事  
不失裁成輔相之功不其懋著也哉  
嘉靖戊子仲冬望日鄱陽胡韶序

序畢

新刻經世民事錄卷上

桂 見山 著

胡 文煥 校

一立春節氣

孟春立春節氣初五日東風解凍次五日蟄蟲始振  
後五日魚上冰次雨水中氣初五日獺祭魚次五日  
鴈候北後五日草木萌動次仲春驚蟄節氣初五日  
桃始華次五日倉庚鳴後五日鷹化為鳩次春分中  
氣初五日玄鳥至次五日雷乃發聲後五日始電次  
季春清明節氣初五日桐始華次五日田鼠化為鴽

後五日虹始見次穀雨中氣初五日萍始生次五日  
鳴鳩拂其羽後五日戴勝降於桑凡此六氣一十八  
候皆春氣正發生之令

正月

孟春之月日在營室昏參中旦尾中其日甲乙其帝  
太皞其神句芒其蟲鱗其音角律中太簇其數八其  
味酸其臭羶其祀戶祭先脾東風解凍蟄蟲始振魚  
上冰獺祭魚雁候北天子居青陽左箇乘鸞輅駕蒼  
龍載青旂衣青衣服蒼玉食麥與羊其器䟽以達是  
月也以立春先立春三日太史謁之天子曰某日立

春盛德在木天子乃齋立春之日天子親帥三公九  
卿諸侯大夫以迎春於東郊還賞公卿大夫於朝命  
相布德和令行慶施惠下及兆民慶賜遂行毋有不  
當乃命太史守典奉法司天日月星辰之行宿離不  
貸毋失經紀以初爲常是月也天子乃以元日祈穀  
於上帝乃擇元辰天子親載耒耜措之於參保介之  
御間帥三公九卿諸侯大夫躬耕帝籍天子三推三  
公五推卿諸侯九推反執爵於太寢三公九卿諸侯  
大夫皆御命曰勞酒是月也天氣下降地氣上騰天  
地和同草木萌動王命布農事命田舍東郊皆修封

疆審端經術善相立陵阪險原隰土地所宜五穀所  
殖以教道民必躬親之田事既飭先定準直農乃不  
惑是月也命樂正入學習舞乃修祭典命祀山林川  
澤犧牲毋用牝禁止伐木毋覆巢毋殺孩蟲胎夭飛  
鳥毋麝毋卵毋聚大眾毋置城郭掩骼埋胔是月也  
不可以稱兵稱兵必天殃兵戎不起不可從我始毋  
變天之道毋絕地之理毋亂人之紀孟春行夏令則  
雨水不時草木蚤落國時有恐行秋令則其民大疫  
飈風暴雨總至黎莠蓬蒿並興行冬令則水潦爲敗  
雪霜大摯首種不入

驗歲朝歲朝者一歲之首一日鷄二日犬三日豕四  
日羊五日牛六日馬七日人八日穀是日日色晴明  
溫暖則蕃息安泰風雨陰寒慘冽則疾病衰耗以各  
日驗之

草得氣之先者皆有所驗薺菜先生歲欲甘葶藶先  
生歲欲苦藕先生歲欲雨蒺藜先生歲欲旱蓬先生  
歲欲流水藻先生歲欲惡艾先生歲欲病孟月占之  
元日五更雞鳴時點火把照桑棗果木等樹則無蟲  
以刀各斑駁敲打樹身則結實此謂之嫁樹  
是日於三年桃樹用尖刀利破皮直長者四五條其

樹比他樹多結子三四年多不結子蓋樹皮緊束樹身不得長故多伐其樹也

是月十五日賤糶廩炒令焦和穀種之四時纂要

是月移栽諸色果樹古人云移樹無時莫教樹知多留宿土記取南枝宜寬深開掘用少糞水和土成泥漿根有宿土者栽於泥中候水喫足次日方用土覆蓋根無宿土者深栽於泥中輕提起樹與地平則根舒暢易得活三四日後方可用水澆灌上半月移栽則多實宜愛護勿令人搖動農桑撮要

是月驕諸色果木樹樹芽未生之時於根傍掘土須

要寬深尋纂心釘地根截去留四邊亂根勿動却用土覆蓋築令實則結果肥大勝挿接者謂之驕樹

是月栽桑樹畊地宜熟移栽時行須要寬闊八步長行相離四步對栽下看一升糞中間可用牛畊故田不廢桑不致荒二月移栽臘月亦可是月自朔暨晦移松柏槐榆等樹二三月亦可

是月取弱柳枝大如臂長一尺半燒下頭二三寸埋之杵打實常以水澆之必數條俱生留三四條茂者削去枝梢其枝必茂或栽挿者長三五尺亦可人家若種千樹足可供柴箕柳去河及下地不堪種五穀

之處耕地數遍刈取四五寸漫撒栽之常引水浸至  
秋間收取可為簸箕升斗之用二月亦可栽種

是月修桑削去枯枝及低小亂枝條根傍開掘用糞  
土培壅臘月亦可此月不修理則葉生遲而薄

是月種麻宜耕過肥熟地古人云十耕種蘿蔔九耕  
麻是也以土灰拌種或撒子以土灰和腐草蓋密則  
細疎則粗布葉則刪耘宜帶露撒灰耘糞三兩次二  
三月皆可種宜早不宜遲臘月八日亦得

是月種茄匏冬瓜葫蘆黃瓜菜瓜預先以糞和灰土  
以盆或桶盛貯候發熟過以各樣子插和灰中常

以水洒之日間朝日影夜間收灶側煖處生甲時種  
於肥地常以少糞水澆灌上用低棚蓋之待長茂帶  
土移栽則易活社後亦可種之

是月種芋先將園地鋤過一遍以新黃土覆在鋤過  
地上却將芋芽向上密排種之用草覆蓋候發出三  
四葉約四五寸高三月間移栽之

是月修諸色果木樹削去低小亂枝勿令分力結果  
自然肥大

是月栽葱薤去冗鬚微晒乾疎行密排栽之宜雞糞  
培壅

是月種苦蕒蒿苣生菜四月芥宜用盪過熟灰糞培壅之二三月可移種

是月合小豆醅用小豆蒸爛令定團成餅盪出黃衣穿掛當風處至三四日內用黑豆或黃豆炒過磨去皮簸淨煮熟撈去每小豆黃子一斗熟豆一石用鹽四十餘斤拌勻搗爛入甕每日攪動晒過七日後便可食用合醬時斟酌豆黃用之

是月教牛修農具築墻園開溝渠修蠶室整屋漏移栽諸般花木織蠶箔

是月接桑桑本大如臂者去地二三尺許以刀子剔起皮離木勿令破取柔桑條鶴膝不斷粗如筋大者一尺削其本如馬耳乃插入桑皮中令皮相接其精巧須如接樹之法乃以桑皮纏糞土包之至夏生葉茂盛

是月作種大葫蘆坑法正月中掘地作坑四五尺深一丈實填油麻菜豆葉及爛草等一重糞土一重草如此四五重向上一尺餘着土填之

二月

仲春之月日在奎昏弧中旦建星中其日甲乙其帝太皞其神句芒其蟲鱗其音角律中夾鍾其數八其



味酸其臭羶其祀戶祭先脾始雨水桃始華倉庚鳴  
鷹化爲鳩天子居青陽太廟乘鸞輅駕蒼龍載青旂  
衣青衣服青玉食麥與羊其器疏以達是月也安萌  
芽養幼少存諸孤擇元日命民社命有司省囹圄去  
桎梏毋肆掠止獄訟是月也玄鳥至至之日以太牢  
祠於高禘天子親往后妃帥九嬪御乃禮天子所御  
帶以弓鞬授以弓矢於高禘之前是月也日夜分雷  
乃發聲始電蟄蟲咸動啓戶始出先雷三日奮木鐸  
以令兆民曰雷將發聲有不戒其容止者生子不備  
必有凶災日夜分則同度量鈞衡石角斗角正權概

是月也耕者少舍乃修闔扇寢廟畢備毋作大事以  
妨農之事是月也毋竭川澤毋漉陂池毋焚山林天  
子乃鮮羔開冰先薦寢廟上丁命樂正習舞釋菜天  
子乃帥三公九卿諸侯大夫親往視之仲丁又命樂  
正入學習樂是月也祀不用犧牲用圭璧更皮幣仲  
春行秋令則其國大水寒氣總至寇戎來征行冬令  
則陽氣不勝麥乃不熟民多相掠行夏令則國乃大  
早暖氣早來蟲螟爲害

是月內有三卯則宜豈無則早種禾此農家每歲經  
驗之言

是月種舊椹宜熟耕地打成畦以舊椹撒於畦中常用水澆灌候芽出如法愛護冬間附地割去其窠用柴草薄蓋以走火燒過大則傷根糞草蓋至春耙耘去糞草用水澆灌每一窠出芽數枝留旺者一枝餘枝削去至秋常五六尺來春可移於熟地內大寬行相對栽之

是月籬諸色果木揀好嫩枝條籬於芋頭或蘿蔔頭上栽易活腦生用箬葉包之諸般花枝籬按頭亦可

是月種黍稷新開豈田爲上一畝用子四升春分前後宜用灰土和子種頻鋤三四窠作一叢黍心未生

雨灌其心心傷無實黍心初生畏天露次日早用糝麻散綫長繩上令兩人對持於黍上牽拽批去其露則不傷黍刈糝欲早黍欲晚諺曰糝青候黍折頭黍糝熟可炊飯又可釀酒搗碎蒸糕以備食用春後亦可種

是月種椒擇濕潤肥地深耕耙勻取上年原埋地中椒子種之用灰糞和細土覆蓋則易生來年依時分開每株約離七八尺地用麻粃灰糞栽之忌水浸根三年後換嫩枝方結實辟蛇喫椒宜種香白芷或以髮纏樹根種生菜亦得

是月種茶宜斜坡陰地走水處用糠與焦土種每一  
圈可用六七十粒覆土厚一寸出時不要耘草旱以  
米泔澆常以小便糞水或蚕沙壅之水浸根必死三  
年後可採茶相離二尺種一叢

是月種西瓜宜肥地種掘地作坑如斗大每坑約瓜  
子四枚多種則漫散苗出後根下壅作土盆多鉏則  
饒子不鉏則無實餘蔓花掐去則瓜肥大

是月種葫瓜黃瓜菜瓜冬瓜茄子宜晴明日中種每  
日早以少糞水澆灌此月下旬栽五月中旬結實若  
三月種之已遲

是月種穀楮宜澗谷間種之楮子熟時多收淨淘晒  
令乾耕地令熟再細耨耩相和麻子漫撒秋冬留麻  
勿刈去爲楮作暖明年春首莖殺放火燒之三年便  
可斫取皮可以抄紙甚得濟用斫法十二月爲上四  
月次之其枝可以供柴矣

是月種藕取接頭就用帶草濕泥包裹却於池塘中  
栽之或煮酒瓶頭上泥栽種當年開花種蓮子用堅  
黑者於磚石上磨蓮子頭令皮薄則易生取堊土作  
泥包裹蓮子在內蓮子頭上作尖樣約三指大長二  
寸底下務要平重候泥乾時擲於池中重頭下自然

周正也

是月種棗選好味者爲種候芽生長則移栽三步一樹至花開時以杖擊樹振去狂花則結實多

是月種蘿蔔菘菜上旬撒種二月中旬可食宜肥地以熟糞蓋

是月種蜀葵院內路傍墻畔種之候花開盡帶青收其穉勿令枯槁水中漚一二日取皮作繩用度

是月種芙蓉候芙蓉花開盡帶青漚過取皮可代麻縲

是月種大躡豆宜疎種用灰蓋地要肥類澆灌芽出

鉏去草

是月壓桑條濕土壓則條爛不生根燥土壓之則易生根

是月種紅花時欲雨或漫撒或耨耩如種麻法至五月收子便種晚花秋間八月種亦得臘月亦可

是月種豌豆社前大麥根邊種之以盪過灰糞勻蓋類鉏

是月種皂莢有不結莢者鑿一孔入生鐵四五斤用泥封之便開花結子或於樹身南北二面離地一尺各鑽一孔用木釘釘之泥封其竅便結實

是月種苕帚即獨掃屋側路傍皆可種嫩芽可做菜  
食以草繩束腰九月間刈取以石壓偏收之三月亦  
可種

是月種銀杏於肥地內灰糞種之候長成次年移栽  
時連土用草包或麻繩束栽之則易活

是月種大葫蘆法正月先作坑了至此月每坑只種  
十餘顆子待生後揀取四莖肥好者每兩莖相縛着  
一處仍以竹刀割去半邊皮以物纏住以牛糞黃泥  
封之一如接樹法裹之待生做一處只留一頭取兩  
莖一如前去半邊合之便是四莖作一莖矣待得活

只留一莖待結葫蘆時只揀取兩箇周正好大者餘  
除之若依此法其葫蘆極大一箇可盛一担米

是月種紫蘊於瓜畦邊成行撒子每叢長高可以得  
兩利 農桑撮要

是月種麻子取斑黑麻子爲種一畝可用子三升芽  
出鉏草淨相離二尺留一根待放勃稜時去雄者田  
邊宜種遮六畜收子打油燃燈可油諸物

是月種麻子於五穀地邊近道處種收子打油燃燈  
甚明

是月插蒲萄預先於去年冬間截取藤枝旺者約長

三尺埋窖於熟糞內候春間樹木萌芽發時取出看其芽生以藤籤蘿蔔內栽之埋二尺在土中則生根留三五寸在土外候苗長牽藤上架根邊常煮肉肥汁放冷澆灌三日後以清水解之天色乾旱輕鉏根邊土澆之冬月用草包護防霜凍損二三月間皆可挿栽

是月接諸般果木熟地內打畦成行用山桃子種芽出長成小樹次年分開相離兩步栽一株候二年樹枝削去將桃杏李子等接頭削尖似馬耳尖樣兩枝樹皮相合着就用本色樹皮一片長尺餘闊三分纏

所接枝用桑皮包縛以泥封之輕攀枝梢埋於地內用木鈎釘之土培接頭上用草標記以刺棘遮護則易活凡腰接驗其樹身大者離地一尺截作木砧小者離地七八寸截時須用細齒鋸截粗則傷樹皮於砧相對側譬開令深一寸每砧對接兩枝俱用兩樹皮相合以黃泥封之候活時發出葉去一枝弱者若接梨或林檎宜社樹砧上接之若接栗子宜於櫟樹砧上挿接之根接附地截去劈開接頭削尖挿之黃泥封固用糞壅以草標記勿令他物動搖頻澆水活是月種粟及時收下去外毛於屋下着溫土埋之須

要深莫教凍損二月芽生種之待長成遇冬以草裹之至二月解放仍用籬圍之三年不得人觸着宜忌之  
是月栽松須去松中大根惟留四邊鬚根則無不偃蹇必用春社前帶土栽之百株百活若過此時則不生也

三月

季春之月日在胃昏七星中旦牽牛中其日甲乙其帝太皞其神句芒其蟲鱗其音角律中姑洗其數八其味酸其臭羶其祀戶祭先脾桐始華田鼠化為鴽

虹始見萍始生天子居青陽右箇乘鸞輅駕蒼龍載青旂衣服蒼玉食麥與羊其器疏以達是月也天子乃薦鞠衣於先帝命舟牧覆舟五覆五反乃告舟備具於天子焉天子始乘舟薦鮪於寢廟乃爲麥祈實是月也生氣方盛陽氣發泄句者畢出萌者盡達不可以內天子布德行惠命有司發倉廩賜貧富振之絕開府庫出幣帛周天下勉諸侯聘名士禮賢者是月也命司空曰時雨將降下水上騰循行國邑周視原野修利隄防道達溝瀆開通道路毋有障塞田獵置罟羅網畢翳餽獸之藥毋出九門是月也命

野虞毋伐桑柘鳴鳩拂其羽戴勝降於桑具曲直籩  
筐后妃齊戒親東鄉躬桑禁婦女毋觀省婦使以勸  
蚕事既登分繭稱絲效功以共郊廟之服毋有敢惰  
是月也命工司令百工審五庫之量金鐵皮革筋角  
齒羽箭幹脂膠舟漆毋或不良百工咸理監工日號  
毋悖於時毋或作爲淫巧以蕩上心是月之末擇吉  
日大合樂天子乃帥三公九卿諸侯大夫親往視之  
是月也乃合累牛騰馬遊牝於牧犧牲駒犢舉書其  
數命國九門磔攘以畢春氣季春行冬令則寒氣時  
發草木皆肅國有大恐行夏令則民多疾疫時雨不

降山林不收行秋令則天多沉陰淫雨早降兵革並  
起

是月內有三卯則宜麻麥此農家經驗之言也

是月種大豈宜上旬種杏花盛桑椹赤夏至後二十  
日皆可種肥地則宜踈瘦地則宜密纔出便耘莢赤  
莖蒼則收槐樹不生蟲宜豆忌申卯日種

是月犁秧田其田須犁耜三四遍用青草厚鋪於內  
盪爛打平方可撒種爛草與灰糞一同則秧肥壯

是月種稻早稻清明節前浸晚稻穀雨前後浸其種  
用稻草包裹一斗或斗五投於塘水內浸不用長流



水難得生芽浸三四日微見白芽如針尖大然後取出擔歸家於陰處乾密撒於秧田候八九日秧青放水浸之糯稻出芽較遲可浸八九日如前微見白芽出時方可種或於缸甕內用水浸數日撈出以草盪生芽依前法撒種候芒插前後種秧

是月種粟穀浸粟穀用臘雪水浸過耐旱辟蟲傷春種欲深夏種欲淺凡種穀遇小雨宜趁濕種大雨鉏一遍然後耩種鉏不厭頻多鉏則不秕細時結實熟則宜速刈乾則宜速積過熟則拋費

是月種山藥壅之或用麻灰糞牛羊蹄過爛草壅其周圍則易長大有草宜頻鉏之旱則以水澆灌人家園邊水側皆可種忽值饑年可接糧食用

是月種苧麻於肥地內撒種以草蓋用蚕沙壅二年後移疎行密栽用灰糠拌之寒露後收子十月後用牛馬糞勻蓋其根則免致凍死

是月種紫草宜軟沙地耩耩勻細逐壅下子良田一畝用子二升壅底有草則用手拔去用鉏則傷其根不茂盛此嬌嫩之物也

是月種秫稔種宜下地春月旱種收其子可食稽稗可夾籬寨又作柴燒城郭間貨賣多得濟益也

是月種山藥預先鋤地成坑壟以芝麻稻鋪填採山藥上有白粒芒刺者用竹刀切下一二十作一段相挨排卧種覆土五寸旱則澆忌人糞宜土糞麻粃生苗鋤耘以竹木扶架霜降後收子種亦得立冬後根邊四圍寬掘深取則不碎一名黃獨其味與山藥同以菜豈殼麻粃腐草或小便草鞋包種之四邊用灰壅則無蟲傷

是月種葵菜深掘地成畦熟糞和土覆令厚一寸脚踏平下水候微乾勻撒葵子又以糞土覆其上厚一寸葵生三葉用水澆灌六月間亦可種

是月種香菜常以洗魚水澆之則香而茂溝泥米泔尤佳

是月種靛先於舊年八九月間耕地爬平臘月間復耕一次臨種時又耕一次宜此月種之撒種後橫直復爬三四次候生四五葉時即鋤有草再鋤至五月間收刈打靛

是月種綿花先將種子用水浸片時漉出以灰拌勻候芽出於糞地內每一尺作一穴種五七粒待苗出時密者耘去止存旺苗二三窠勤鋤時常掐去苗不要長高若高則不結至八月收花

是月種薑清明後三日種之立夏後蚕大眠時生芽未可移栽先用蚕沙麻粃灰糞燂過熱以麥地上做壟則四畔泥不流下每壟闊三尺揀有芽者一尺一窠橫斜栽坑內用灰糞蓋厚三寸上用土一寸以腐草蓋之六月棚蓋或插蘆蔽日東西為坑坑口種芋頭以遮日色

一立夏節氣

孟夏立夏節氣初五日螻蛄鳴次五日蚯蚓出後五日王瓜生次小滿中氣初五日苦菜秀次五日靡草死後五日麥秋至次仲夏芒種節氣初五日螳螂生

次五日鵙始鳴後五日反舌無聲次夏至中氣初五日鹿角解次五日蜩始鳴後五日半夏生次季夏小暑節氣初五日溫風至次五日蟋蟀居壁後五日鷹始驚次大暑中氣初五日腐草為螢次五日土潤溽暑後五日大雨時行凡此六氣一十八候皆夏氣正長養之令

四月

孟夏之月日在畢昏翼中旦婺中其日丙丁其帝炎帝其神祝融其蟲羽其音徵律中仲呂其數七其味苦其臭焦其祀竈祭先肺螻蛄鳴蚯蚓出王瓜生苦

菜秀天子居明堂左箇乘朱輅駕赤駟載赤旗衣朱  
衣服赤玉食菽與雞其器高以粗是月也以立夏先  
立夏三日太史謁之天子曰某日立夏盛德在火天  
子乃齋立夏之日天子親帥三公九卿諸侯大夫以  
迎夏於南郊還反行賞封諸侯慶賜遂行無不欣說  
乃命樂師習合禮樂命太尉贊桀遂賢良舉長大  
行爵出祿必當其位是月也繼長增高毋有壞墮毋  
起土工毋發大衆毋伐大樹是月也天子始絺命野  
虞出行田原為天子勞農勸民毋或失時命司徒循  
行縣鄙命農勉作毋休於都是月也驅獸毋害五穀

毋大田獵農乃登麥天子乃以彘嘗麥先薦寢廟是  
月也聚畜百藥靡草死麥秋至斷薄刑決小罪出輕  
繫蚕事畢后妃獻繭乃收繭稅以桑為均貴賤長幼  
如一以給郊廟之服是月也天子飲酬用禮樂孟夏  
行秋令則苦雨數來五穀不滋四鄙入保行冬令則  
草木蚤枯後乃大水敗其城郭行春令則蝗蟲為災  
暴風來格秀草不實

四月內有三卯則宜麻無則麥不收此農家經驗之  
言

是月八日雨下則無麥十三日亦然此農家有驗之

言防有露傷麥但有沙霧用糝麻散絰長繩上侵晨  
令兩人對持其繩於麥上牽拽抹去沙霧則不傷蟲  
是月收諸色菜子斫倒就地晒打收之用瓶罐盛貯  
標記名號

是月收蜜蜂多在樹上古窠中及山中收取編荆圉  
兩頭泥封或輓壘小屋亦可只開一二小竅使通出  
入另開一門泥封之時常開掃秋間花盡時留冬月  
可食蜜脾餘者削取作蜜蠟至春間掃如前窠前置  
一小盆盛水不令渴損春月有數箇蜂王當揀少壯  
便分爲兩三窠

五月

仲夏之月日在東井昏亢中旦危中其日丙丁其帝炎  
帝其神祝融其蟲羽其音徵律中蕤賓其數七其味  
苦其臭焦其祀竈祭先肺小暑至螳螂生鳴始鳴反  
舌無聲天子居明堂太廟乘朱輅駕赤駟載赤旂衣  
朱衣服赤玉食菽與雞其器高以粗養壯佼是月也  
命樂師修鞀鞀鼓均琴瑟管簫執干戚戈羽調竽笙  
箛簧飾鍾磬祝敔命有司爲民祈祀山川百源大雩  
帝用盛樂乃命百縣雩祀百辟卿士有益於民者以  
祈穀實是月也農乃登黍天子乃以雞嘗黍羞以含

桃先薦寢廟令民毋艾藍以染毋燒灰毋暴布門閭  
毋閉關市毋索挺重囚益其食游牝別羣則繫騰駒  
班馬政是月也日長至陰陽爭死生分君子齋戒處  
必掩身毋躁止聲色毋或進薄滋味毋致和節嗜欲  
定心氣百官靜事無刑以定晏陰之所成鹿角解蟬  
始鳴半夏生木槿榮是月也毋用火南方可以居高  
明可以遠眺望可以升山陵可以處臺榭仲夏行冬  
令則雹凍傷穀道路不通暴兵來至行春令則五穀  
晚熟百勝時起其國乃饑行秋令則草木零落果實  
早成民殃於疫

五月五日蒿苴成片放厨櫃內辟蟲蛀衣帛等物收  
蒿苴葉亦得

五月五日浸蠶種以蒲艾揉并水畧浸去尿收掛勿  
令煙薰損

是月稻秧芒種前後插之拔秧時輕手拔出就水洗  
根去泥約八九十根作一小束却於犁熟水田內插  
栽每四五根爲一叢約離五六寸插一叢脚不宜頻  
那舒手只插六叢却那一遍再插六叢再那一遍逐  
旋插去務要窠行正直  
是月斫桑斫桑不可留背角比及夏至開掘根下可

用糞或蚕沙培壅此時不斫則枝條來春不旺

是月收椹子椹子熟摘取以水淘過畧曬乾用二月法成畦種之便生即時多收椹子以待來春種尤佳收貯勿近濕壁墻則泥損不生

是月種桃杏李梅核宜和肉於肥地內種來年成小樹帶土移栽

是月種竹五月十三日謂之竹迷日可用馬糞和糠泥做漿栽之切忌用脚踏推打則次年出笋

是月割苧麻看根赤便割割畢用蚕沙麻粃糠粃或糞壅之盛旺此月割一鎌六月割一鎌八月半割一

鎌隨即用竹刀從梢分批開剥下皮以刀刮去白瓢浮上粗皮自然脫去縛作小束搭於房上夜間得露水露之則麻潔白

是月收小麥麥半黃時趁天晴着緊收割過熟則拋費稍日至晚載上場堆積農家忙併無蚕麥若遲慢遇雨多為災傷又秧田苗稼亦悞鋤治

是月收紅花侵晨採花微搗細去黃汁用青蒿蓋覆一宿捻成薄餅子曬乾收之勿近濕墻壁則泥損

是月種夏蘿蔔菘菜上旬撒子用灰糞蓋頻澆灌六月中旬可食

是月墾田以青草蹈於泥內則地肥秧窠旺與灰糞同  
是月收豌豆諸豆之中豆耐陳多收熟早如近城郭  
摘豆角賣先可變物此豆以爲嘗新貴其先也  
是月割靛夏至前後看葉上有皺紋方可收割每五  
十斤用石灰一斤於大缸內水浸次日變黃色去梗  
用木把打轉候青色變至紫花色然後去清水成靛  
之方三月中具載

六月

季夏之月日在柳昏火中旦圭中其日丙丁其帝炎

帝其神祝融其蟲羽其音徵律中林鍾其數七其味  
苦其臭焦其祀竈祭先肺溫風始至蟋蟀居壁鷹乃  
學習腐草爲螢天子居明堂右箇乘朱輅駕赤駟載  
赤旂衣朱衣服赤玉食菽與雞其器高以粗命漁師  
伐蛟取鼉登龜取鼈命澤人納材葦是月也命四監  
大合百縣之秩芻以養犧牲令民無不成出其力以  
共皇天上帝名山大川四方之神以祠宗廟社稷之  
靈以爲民祈福是月也命婦官染采黼黻文章必以  
法故無或差貸黑黃蒼赤莫不質良毋敢詐僞以給  
郊廟祭祀之服以爲旗章以別貴賤等級之度是月



也樹木方盛命虞人入山行木無有斬伐不可以興  
土功不可以合諸侯不可以起兵動衆毋舉大事以  
搖養氣毋發令而待以妨神農之事也水潦盛昌神  
農將持功舉大事則有天殃是月也土潤溽暑大雨  
時行燒薙行水利以殺草如以熱湯可以糞田疇可  
以美土疆季夏行春令則穀實鮮落國多風欬民乃  
遷徙行秋令則立隰水潦禾稼不熟乃多女灾行冬  
令則風寒不時鷹隼蚤鷙四鄙入保

是月耕麥地此月初旬四五更時乘露水未乾陽氣  
在下宜耕之牛得其涼耕過地內稀種菜莖候七月

間犁翻莖秧入地勝如用糞則麥苗易茂

是月收椒中伏後遇天色晴明帶露收陰一日之後  
晒三日則紅而裂遇雨薄攤當風處頻翻若盪則黑  
又不香仍收椒子用乾土和拌攪勻埋於避雨水地  
內約深一尺勿令水浸生芽至來年三月內取出於  
肥地深耕依前種之

是月種菜莖立秋前宜割了麻地上種太早不生角  
若預占莖收否當年季不蛀則宜莖忌卯日下種  
是月割麻麻稈上生白殄即割攤宜薄束宜少漚宜  
清水生熟要合宜帶骨麻一斤可取皮四兩

是月耘稻苗旺時放去水放乾將亂草用脚踏入泥中則四畔潔淨用灰糞麻粃相和撒入田內晒四五日土乾裂時放水淺浸稻秧謂之庠田此月正宜加力六月一次七月一次依上耘  
是月晒小麥宜三伏日晒及乾方收用蒼耳辣蓼同收之

是月種蘿蔔宜肥地撒種沙地尤効瘦地用糞作壟種帶露肥地則生蟲鉏不厭頻苗稠則小拔令稀則肥大霜降後或醃或藏窖皆可七月種遲

是月種葫蘿蔔宜於伏內畦種或肥地漫種頻澆灌

則肥大

是月種晚瓜諸般瓜子於肥地內種則瓜肥大可以糟藏

是月收紫草用火燒其根陰乾用草包收掛之則葉不落

是月種蔓菁耕地要熟一畝用子三升勻撒種葉可以採食至十月取根一畝可出數擔早收者根細如值凶年一畝可活百人其葉可作乾菜子可打油燃燈甚明同芝麻煉熟與小油無異

是月鉏芋宜清晨露未乾及雨後耘鉏若太熱日中

金卷上  
二十四  
耘則蔽灰糞蓋則茂鋤得根傍虛則芋大多子  
是月飯不餽用生苧菜薄鋪在上蓋之過夜則不致  
餽壞

開墾田法凡開耕墾田荒地先燒去野草犁過漫撒  
芝麻種之一年其草木之根悉皆腐爛若種五穀則  
無草荒之害芝麻之與草木若錫之與五金性相治  
也不可不知

新刻經世民事錄卷上

新刻經世民事錄卷下

桂 見山 著

胡 文煥 校

一 立秋節氣

立秋之節初五日涼風至次五日白露降後五日寒  
蟬鳴次處暑氣初五日鷹乃祭鳥次五日天地始肅  
後五日禾乃登次仲秋白露之節初五日鴻雁來次  
五日玄鳥歸後五日羣鳥養羞次秋分氣初五日雷  
乃收聲次五日蟄蟲坯戶後五日水始涸次季秋寒  
露之節初五日鴻雁來賓次五日雀入大水為蛤後

五日菊有黃華次霜降氣初五日豺乃祭獸次五日  
草木黃落後五日蟄蟲咸俯凡此六氣一十八候皆  
秋氣正收斂之令

秋三月早卧早起與雞俱興

七月

孟秋之月日在翼昏建星中旦畢中其日庚辛其帝  
少皞其神蓐收其蟲毛其音商律中夷則其數九其  
味辛其臭腥其祀門祭先肝涼風至白露降寒蟬鳴  
鷹乃祭鳥用始行戮天子居總章左箇乘戎輅駕白  
駱載白旂衣白衣服白玉食麻與犬其器廉以深是

月也以立秋先立秋三日太史謁之天子曰某日立  
秋盛德在金天子乃齋立秋之日天子親帥三公九  
卿諸侯大夫以迎秋於西郊還反賞軍帥武人於朝  
天子乃命將帥選士厲兵簡練桀俊專任有功以征  
不義詰誅暴慢以明好惡順彼遠方是月也命有司  
修法制繕囹圄具桎梏禁止奸慎罪邪務搏執命理  
瞻傷察創視折審斷決獄訟必端平戮有罪嚴斷刑  
天地始肅不可以羸是月也農乃登穀天子嘗新先  
薦寢廟命百官始收斂完隄防謹壅塞以備水潦修  
宮室坏墻垣補城郭是月也毋以封諸侯立大官毋

以割地行大使出大幣孟秋行冬令則陰氣入勝介  
蟲敗穀戎兵乃來行春令則其國乃旱陽氣復還五  
穀無實行夏令則國多火災寒熱不節民多瘡疾  
七月七採松子過時則落不可得

七月七日晒曝革裘無蟲

是月割藍一担用甜水一担將葉梗切碎鍋內同煮  
數百沸去粗將汁於缸內盛之至第二日比熟藍三  
停內用生藍一停摘葉於磨盤上手揉三次用熟汁  
澆按濾粗令淨缸盛之存藍根候開花結子至八月  
收種來春三月種

是月種蕎麥立秋前後宜稠密撒種則結實多稀則  
結少

是月斫伐竹木此月氣全則堅韌宜辰時庚午日血  
忌癸卯日佳諺語云翁孫不相見子母不相離謂隔  
年竹可伐臘月斫竹者最妙六月六日亦得

是月種菠菜用水拌子浸二三日看殼軟撈出控乾  
就地以盆合蓋候生芽宜肥地虛土內種之則茂

同上

是月取漆以斧斫破其皮用竹管盛之滴下汁則成  
漆

是月種蔓菁種法見六月七月亦可種凡種時以鰾

鱖魚汁浸其子晒乾種之無蟲

是月種首着地宜肥熟作畦種之澆水一如韭法一  
剪一上糞與種豈同

八月

仲秋之月日在角昏牽牛中旦觜騰中其日庚辛其  
帝少皞其神蓐收其蟲毛其音商律中南呂其數九  
其味辛其臭腥其祀門祭先肝育風至鴻雁來玄鳥  
歸羣鳥養羞天子居總章太廟乘戎輅駕白駱載白  
旂衣白衣服白玉食麻與犬其器庶以深是月也養  
衰老授几杖行糜粥飲食乃命司服且飭衣服文繡

有恒制有大小度有長短衣服有量必循其故冠帶  
有常乃命有司申嚴百刑斬殺必當毋或枉撓枉撓  
不當反受其殃是月也乃命宰祝循行犧牲視全具  
按芻豢瞻肥瘠察物色必比類量大小視長短皆中  
度五者備當上帝其饗天子乃難以達秋氣以犬嘗  
麻先薦寢廟是月也可以築城郭建都邑穿竇塞修  
困倉乃命有司趨民收歛務畜菜多積聚乃勸種麥  
毋或失時其有失時行罪無疑是月也日夜分雷始  
收聲蟄蟲坏戶殺氣浸盛陽氣日衰水始涸日夜分  
則同度量平權衡正均石角斗角是月也易關市來

商旅納貨賄以便民事四方來集遠鄉皆至則財不  
匱上無乏用百事乃遂凡舉大事毋逆大數必順其  
時慎因其類仲秋行春令則秋雨不降草木生榮國  
乃有恐行夏令則其國乃旱螽蟲不藏五穀復生行  
冬令則風灾數起收雷先行草木蚤死

是月種大麥小麥田宜熟耕古人云無灰不種麥兩經社日佳  
白露節後逢上戊每畝種三升中戊每畝種五升下  
戊每畝種七升以灰糞勻拌密種之若當年杏多不  
蛀則宜大麥忌子日種桃多不蛀則宜小麥忌戌日  
種

是月防霧傷棗棗熟着霧則多損棗麻散綫於樹枝  
上則可辟霧氣或用稽稈於樹上四散綫縛亦得

是月種葱子上旬治畦用灰糞勻細撒子來年三月  
間移栽

是月分韭菜韭根多年交結則不茂別作畦分栽摘  
去老根微留嫩根栽之則雞糞壅或乾猪糞亦可

是月種雞頭秋間子熟時收取孳子撒於池內來年  
自生

是月種菱秋間菱角黑時收取撒在池中則自然生  
也

是月種蒜宜熟地耕三次耨耩成溝二寸一窠種之  
候苗出時鉏不厭頻常令根傍潔淨須要鉏地令虛  
以糞水澆灌則瓣肥大不然細小

是月放芋根此月芋苗正旺鉏開邊土却上別泥及  
播捍葉則力回芋頭與子肥大不然苗盛芋小

是月栽木瓜秋社前後移栽之次年便結子勝如春  
間栽壓枝亦生栽種與桃李法同霜降後摘收

是月收柿漆每柿子一升擣碎用水半升釀四五時  
榨取漆令乾漆水再取亦得可以供做傘者用度

是月鉏竹園以稻糠或麥糠壅不可雜用或添河泥

蓋之

是月收鷺鴨彈水鄉居者宜養之雌鴨魚雄若足其  
豆麥肥飽則生卵可以供厨甚濟食用又可以醃藏

是月種藟水晶葱藟似蒜其葉似葱如三稜水晶葱  
其葉似葱如蒜二物皆不具豫章最多宜於鬆土之  
地鋤成溝以藟水晶葱擺於內用牛馬糞糠粃拌土  
蓋之上以芝麻糝又蓋於上勿令生草八月種來年  
五七月收水晶葱宜糖醋浸可食

九月

季秋之月日在房昏虛中旦柳中其日庚辛其帝少



皦其神蓐收其蟲毛其音商律中無射其數九其味  
辛其臭腥其祀門祭先肝鴻鴈來賓雀入大水爲蛤  
菊有黃華豺乃祭獸戮禽天子居總章右箇乘戎輅  
駕白駱載白旂衣白衣服白玉食麻與犬其器廉以  
深是月也申嚴號令命百官貴賤無不務內以會天  
地之藏無有宣出乃命冢宰農事備收舉五穀之要  
藏帝籍之收於神倉祇敬必飭是月也霜始降則百  
工休乃命有司曰寒氣總至民力不堪其皆入室上  
丁命樂正入學習吹是月也大饗帝嘗犧牲告備於  
天子合諸侯制百縣爲來歲受朔日與諸侯所稅於

民輕重之法貢職之數以遠近地土所宜爲度以給  
郊廟之事無有所私是月也天子乃教於田獵以習  
五戎班馬政命僕及七駟咸駕載旌旒授車以級整  
設於屏外司徒搢朴北面誓之天子乃厲飭執弓挾  
矢以獵命主祠祭禽於四方是月也草木黃落乃伐  
薪爲炭螫蟲咸俯在內皆墮其戶乃趨獄刑毋留有  
罪收祿秩之不當供養之不宜者是月也天子乃以  
犬嘗稻先薦寢廟季秋行夏令則其國大水冬藏殃  
敗民多飢噎行冬令則國多盜賊邊境不寧土地分  
裂行春令則暖風來至民氣解惰師與不居

是月寒露收芥與苧麻子熟時收晒乾以濕沙拌勻  
筐內盛貯用草蓋圍凍損則不生候來年二月間依  
法種之

是月栽諸般冬菜栽時每窠根下須用熟糞栽並在  
寒露前

是月刈紫草子熟即刈之晒乾打子濕則沤耙耨要  
整理收草宜速遇雨則損每一小束茅草束之當日  
斬齊一顛一倒一層堆架平地上以格石壓令匾於  
屋下陰涼處棚頂放勿令煙薰是月收芝麻稈收入  
米倉內則米不蛀乾晒可點火

是月收粟和殼用沙缸內盛頓種時揀大粟埋屋簷  
下用糠沙蓋石壓至二月移以芽向下栽之

是月收茄子種熟時摘取擘破水淘細子取沉者晒  
令乾收之

是月收諸色豆稈冬間可喂牛馬損爛者留以種芋  
頭及山藥

是月收五穀種揀摘好穗刈之晒乾打下簸去浮秕  
以穰草裹收勿貯器中亦不得近墻壁濕地恐沤損  
是月種油菜宜肥地種之類以水澆灌十月種之則  
無根脚

是月寒露收茶與苧麻子熟時收晒乾以濕沙拌勻  
筐內盛貯用草蓋圍凍損則不生候來年二月間依  
法種之

是月栽諸般冬菜栽時每窠根下須用熟糞栽並在  
寒露前

是月刈紫草子熟即刈之晒乾打子濕則沤耙耨要  
整理收草宜速遇雨則損每一小束茅草束之當日  
斬齊一顛一倒一層堆架平地上以格石壓令匾於  
屋下陰涼處棚頂放勿令煙薰是月收芝麻稈收入  
米倉內則米不蛀乾晒可點火

是月收粟和殼用沙缸內盛頓種時揀大粟埋屋簷  
下用糠沙蓋石壓至二月移以芽向下栽之

是月收茄子種熟時摘取擘破水淘細子取沉者晒  
令乾收之

是月收諸色豆稈冬間可喂牛馬損爛者留以種芋  
頭及山藥

是月收五穀種揀摘好穗刈之晒乾打下簸去浮粃  
以穰草裹收勿貯器中亦不得近牆壁濕地恐沤損  
是月種油菜宜肥地種之類以水澆灌十月種之則  
無根脚

是月藏薑宜掘深窖以穀稗糠糝合埋之則不致凍損

是月收雞種霜降時收者為良形小毛淺腳細短者佳小雞出時宜餵乾飯若餵濕飯則臍生膿而死燒柳柴其煙損雞大者目盲小者多死餵小麥飯則易大有病灌清油則愈勿令失其時

是月收茶子苧麻子熟時晒乾以濕沙拌勻筐內盛之用草蓋覆若凍損則不生候來年二月間種之

一立冬節氣

立冬之節初五日水始冰次五日地始凍後

五日雉入大水為蜃次小雪中氣初五日虹藏不見次五日天氣騰地氣降後五日閉塞而成冬次仲冬大雪節氣初五日鶡鳴不鳴次五日虎始交後五日荔挺出次冬至中氣初五日蚯蚓結次五日麋角解後五日水泉動次季冬小寒節氣初五日雁北鄉次五日鶡始巢後五日雉始雊次大寒中氣初五日雞始乳次冬華次五日征鳥厲疾後五日水澤腹堅凡此六氣一十八候皆冬氣正養藏之令

十月

孟冬之月日在尾昏危中旦七星中其日壬癸其帝

顛頊其神玄冥其蟲介其音羽律中應鍾其數六其  
味醎其臭朽其祀行祭先賢水始冰地始凍雉入大  
水爲蜃虹藏不見天子居玄堂左箇乘玄輅駕鐵驪  
載玄旂衣服玄玉食黍與彘其器闔以奄是月  
也以立冬先立冬三日太史謁之天子曰某日立冬  
盛德在水天子乃齋立冬之日天子親帥三公九卿  
諸侯大夫以迎冬於北郊還反賞死事恤孤寡是月  
也命太史釁龜筮占兆審卦吉凶是察阿黨則罪無  
有掩蔽是月也天子始裘命有司曰天氣上騰地氣  
下降天地不通閉塞而成冬命曰官謹蓋藏命有司

循行積聚無有不歛城郭戒門閭修鍵閉慎管籥  
固封疆備邊境完要塞謹關梁塞徼徑飭喪紀辦衣  
裳審棺槨之厚薄塋丘壠之大小高卑厚薄之度貴  
賤之等級是月也命工師劾攻陳祭器按度程毋或  
作爲淫巧以蕩上心必功致爲上物勒工名以巧其  
誠功有不當必行其罪以窮其情是月也大飲烝天  
子乃祈來年於天宗大割祠於公社及門閭臘先祖  
五祀勞農以休息之天子乃命將帥講武習射御角  
力是月也乃命水虞漁師收水泉地澤之賦毋或敢  
侵削衆庶兆民以爲天子取怨於下其有若此者行

罪無赦孟冬行春令則凍閉不密地氣上泄民多流  
亡行夏令則國多暴風方冬不寒蟄蟲復出行秋令  
則雪霜不時小兵時起土地侵削

是月收荇蓬菜時地將凍宜於暖處藏窖來春可栽  
收種

是月收冬瓜宜地乾燥處安頓忌鹽醋掃帚猫糞蔞  
彎曲貼肉是雌者可作種來年春間依法種

是月壅芋麻宜用牛馬糞或解泥糠粃之類免致凍  
死根

是月耘麥地內有草鋤去尤佳不耘鋤者其麥少收

是月包裹木瓜石榴諸般等樹以穀草或稻草將樹  
身包裹用草繩或蔴麻紮定泥封以糠粃培壅其根  
免致霜雪凍損

是月割蜜天氣漸寒百花已盡宜開蜂窠後門用艾  
燒煙微薰其蜂自然飛向前去若怕蜂蟄用薄荷葉  
嚼細塗在手面其蜂自然不螫或用紗帛蒙頭及身  
上截或皮套五指尤妙約量冬至春其蜂食之餘者  
揀大蜜脾用利刀割下却封其窠將蜜絞淨不見火  
者為白沙蜜見火者為紫蜜入窠盛頃將絞下蜜粗  
入鍋內慢火煎熬候融化拗出絞粗再熬預先安排

錫鏟或瓦盆各盛冷水次傾蠟水在內凝定自成黃  
蠟以粗內蠟盡爲度要知其年收蜜多寡則看當年  
雨水何如若雨水調勻花木茂盛其蜜必多若雨水  
少花木稀其蜜必少或蜜不敷蜜蜂食用宜以草雞  
或一隻或二隻退毛不用肚腸懸掛窠內其蜂自然  
食之又力倍常至春來二月間開其封止存雞骨而  
已

是月收猪種取短喙無柔毛者良一棚有三牙者難  
留難肥小時餒糟不長猪瘟病灌以黃梔或斷尾尖  
啖以水草菜豈或灌米泔或灌鹽水即愈

是月造牛衣將蓑衣間蘆花如織蓑衣法上用蓑草  
結綴則利水下用蘆花絡結則溫暖相連織成四方  
一片遇極寒鼻流清涕腰軟無力將蓑衣搭牛脊背  
用麻繩絰繫可以敵寒免致凍損

是月泥飭牛馬屋天色晴明修補屋漏又飭牆壁預  
備雨雪

是月栽過冬菜及諸般菜江南種過冬菜擇肥地犁  
鋤過用糞土燻之打成畦壟漫撒其子待出芽約三  
寸高拔起成行於畦內栽之用水澆灌待葉起便用  
糞澆北方地方肥厚不用糞不在地過冬止入窖過

冬江南就打畦內過冬臘月取葉食正月食薑三月起作淹糟等菜

是月壅芋麻宜牛馬糞或解泥糠粃之類培壅根下免致凍損

十一月

仲冬之月日在斗昏東辟中旦軫中其日壬癸其帝顓頊其神玄冥其蟲介其音羽律中黃鍾其數六其味醜其臭朽其祀行祭先賢冰益壯地始坼鶡鳴不鳴虎始交天子居玄堂太廟乘玄輅駕鉄驪載玄旂衣黑衣服玄玉食黍與彘其器鬲以菴飭死事命有

司曰土事毋作慎毋發蓋毋發室屋及起大眾以固而閉地氣沮泄是謂發天地之房諸螫則死民必疾疫又隨以喪命之曰暢月是月也命奄尹申宮令審門閭謹房室必重閉省婦事毋得淫雖有貴戚近習毋有不禁乃命太酋禾稌必齊麩蘘必時湛熾必潔水泉必香陶器必良火齊必得兼用六物大酋監之毋有差貸天子命有司祈祀四海大川名源淵澤井泉是月也農有不收藏積聚者馬牛畜獸有放佚者取之不詰山林藪澤有能取蔬食田獵禽獸者野虞教道之其有相侵奪者罪之不赦是月也日短至陰



陽爭諸生蕩君子齋戒處必掩身身欲寧去聲色禁  
嗜欲安形性事欲靜以待陰陽之所定芸始生荔挺  
出蚯蚓結麋角解水泉動日短至則伐木取竹箭是  
月也可以罷官之無事去器之無用者塗闕廷門閤  
築囹圄此以助天之閉藏也仲冬行夏令則其國乃  
旱氛霧冥冥雷乃發聲行秋令則天時雨汁瓜瓠不  
成國有大兵行春令則蝗蟲爲敗水泉咸竭民多疥  
癩冬至日鑽燧取火可去瘟病

是月試穀種冬至平日量五穀種各一升用布囊盛  
頓於北牆陰下埋之於至後十五日又云四十九日

取出平量最多者來歲如收宜多種之

是月種松杉檜栢等樹自冬至春社前皆可種之則

易活

是月鋤油菜鋤加糞壅其根此月不培來年其菜不  
茂

十二月

季冬之月日在婺女昏婁中旦氐中其日壬癸其帝  
顓頊其神玄冥其蟲介其音羽律中大呂其數六其  
味鹹其臭朽其祀行祭先賢鴈北鄉鵲始巢雉雊雞  
乳天子居玄堂右箇乘玄輅駕鐵驪載玄旂衣黑衣

服玄玉食黍與彘其器閤以菴命有司大難旁磔出土牛以送寒氣征鳥厲疾乃畢山川之祀及帝之大臣天之神祇是月也命漁師始漁天子親往乃嘗魚先薦寢廟水方盛水澤腹堅命取水冰以入令告民出五種命農計耦耕事修耒耜田器命樂師大合吹而罷乃命四監收秩薪柴以共郊廟及百祀之薪燎是月也日窮於次月窮於紀星回於天數將幾終歲且更始專而農民毋有所使天子乃與公卿大夫共飭國典論時令以待來歲之宜乃命太史次諸侯之列賦之犧牲以共皇天上帝社稷之饗乃命同姓

之邦共寢廟之芻豢命宰歷卿大夫至於庶民土田之數而賦犧牲以共山林名川之祀凡在天下九州之民者無不成獻其力以共皇天上帝社稷寢廟山林名川之祀季冬行秋令則白露早降介蟲爲妖四鄙人保行春令則胎夭多傷國多固疾命之曰逆行夏令則水潦敗國時雪不降水凍消釋

禮記月令

是月伐竹木此月伐竹木則不蛀與七月斫者同是月種檉麻宜熟肥地臘八日種者佳正二月亦可是月擣磨乾桑葉臘月內製者能消蚕熱病是月栽桑掘坑深濶二尺却於坑內以土糞和成泥

漿以桑根埋定糞土壅培微將桑向上提起則根舒暢復用土壅與地平次日築實切不可動搖其葉榮茂勝如春栽

是月培橘以死鼠浸溺缸內候鼠浮取埋橘根邊次年結實必成柑橘樹為蟲所食取蟻窩放其樹上則蟲自去或將橘樹根寬作盤澆糞二次至春澆水二次花實必茂

新刻經世民事錄卷下終

經世民事錄跋

竊惟農為衣食之源國用攸賴顧世未有成書稽有相之道者其獲恒倍書其可缺乎哉今見是帙冠之以月令條之以蠶桑諸家之說法莫有要於此者順而行之則山不槎蘖澤不伐天庶彙以蕃五穀用殖可以盡物之性矣由是地豐於財事裕於力民行以興率歸皇極又可以盡人之性

矣舉一世人物咸躋富庶化成之域以弼  
我明億萬載無疆之治顧不在茲典哉顧不  
在茲典哉

嘉靖戊子冬月望日

賜同進士出身承事郎知鄱陽縣事東陽

蔣瑜謹跋

跋畢

新刻歲時事要全

錢唐 胡文煥 德甫 纂

# 正月

史記謂端月 端首也左傳履端於始 各  
衙門官吏於公廳設位率士庶僧道稱賀

元日 元始也正月一日為元日 荆楚歲時記云

鷄初鳴而起先於庭前爆竹貼畫鷄或縷五綵及  
土鷄於戶上按易緯通卦驗曰鷄陽鳥也所以  
為民候四時四民得以翹首結帶正衣冠也 莊

子云有採鷄於門懸葦於其上插桃其旁而鬼畏之立桃板於門上畫神荼鬱壘二神以禦凶鬼或畫虎於門棗木亦百鬼所畏也 崔寔月令云元旦潔祀祖禰進酒降神畢於是長幼悉正衣冠以次拜賀進椒酒栢酒或屠蘇酒飲桃湯次第從少至老按成公子安椒花銘云肇惟歲首正元日厥味惟珍蠲除百疾椒是玉衡星之精服之輕身延年栢乃仙藥 風土記云元旦食五辛所以助發五藏陽氣膠牙錫取交固之義 又以錢貫繫味脚迴以投糞埽上云令如願 出錄異 東京夢

華錄云元旦放關撲三日士庶自早互相慶賀重馬交馳衣服華煥雜遝街市三四日已向晚貴家男女縱賞入場看關撲入市店飲晏慣習成風不相咲評 江南田家五行云首三日天陰人安蚕麥十倍或聯五日雨及端朔東北風皆大熟

立春後丑日 祭風師於東北郊  
人日

正月初七日為人日東方朔占書云一鷄二犬三猪四羊五牛六馬七人八穀其日晴主所生之物育陰則灾晉董勛云正旦畫鷄於門七日鏤人

於戶上良為此也 食煎餅 荆楚歲時記云人日採七種菜以為羹剪彩為人為花勝以相遺或縷剪金薄為人以貼屏風亦戴之頭髮象瑞圖之形取改舊從新之意 安仁峯銘云正月元七厥日惟人策我夜駟陡彼安仁 趙子隨時錄用云人日晴人民安寧月內虹十月穀大貴雷弗安日食粟賊盜夜多

立春 先一日官吏士庶耆社鼓樂出東郊迎春牛謂之迎春次日官吏公服行禮香花燈燭拜勾芒神各執綵杖鞭春牛

二十四氣之始月令曰出土牛以示農之早晚十二月建丑丑為牛寒將極故出其物為形像以送之且以升陽也 歲時記曰立春日悉剪綵為燕以戴之貼宐春字設春盤春餅生菜杜甫詩春日春盤細生菜取迎春之意又勝裏金花巧奈寒東京錄云立春前一日府進春牛入禁中鞭春府及縣置春牛於府前至日絕早府僚打春百姓賣小春牛花裝闌坐列百戲人物春幡雪柳各相獻遺初七八九日 佛寺作龍華會燃二巨燭上元 冬王日家人即竈卜流年事用秫穀投釜爆

之悉花而妍者名卜流年女子遂間綵穿花戴於  
鬢鬟以相誇尚

正月十五日為上元天官下降人間考定罪福

史記樂書云漢家祠太乙以昏時祠到明今人放  
燈是其故事有絲籠 歲時記十五日作豆糜加  
油膏其上以祠門戶祭蚕室神於門先以楊柳插  
門隨柳所指仍以酒脯飲食及豆粥插著而祭之  
其女子夕則迎紫姑神以卜雜五行書廁神名  
也 東京錄云元宵大內前自歲前冬至後開封  
府絞縛山棚正對宣德樓悉以繒綵結山香上皆

畫神仙故事或坊市賣藥賣卦之人其燈或為龍  
鳳虎豹騰躍之狀上有大牌曰宣和與民同樂綵  
山置燈數十萬盞正月十四日駕幸五岳觀至晚  
還內次駕入燈山輦前喝隨竿媚來御輦團轉一  
遭倒行觀燈山謂之鵝鴿旋十六日御駕座臨軒  
宣萬姓先到者得瞻天表至三鼓車駕還內樓外  
繫鞭一聲則山樓上下燈燭數十萬盞一時滅矣  
至十九日收燈五夜城闔不禁 元日至月晦日  
民皆為脯食度水士女悉湔裙裾酌酒於水濱以為  
度厄出錢為醜出食曰醮自茲厥後浸以成俗

是月內人家誦蓮經謂之保安市醮章謂之禳  
火每月初一十五日官僚詣寺觀文廟行香僧  
道念經延聖壽

## 二月

初一日 為中和節中者揆三陽之中和者酌仁氣  
之和國家授時追節備鋤陳儀唐輦下歲時記  
云德宗時李泌請以二月初為中和節因賜大臣  
戚里尺謂之裁度民間以青囊盛百穀瓜果種相  
遺號曰獻生子果子曰迎富貴果子酸宜春酒以

祭勾芒神百官進農書以示務本帝悅乃著令  
釋奠

釋奠無定日 唐禮樂志云中春中秋釋奠於文  
宣王以上丁日

朔望祭祀師生禮記曰凡學春官釋奠於先師  
秋冬亦如之凡始立學者釋奠於先聖先師既  
具器用幣然後釋菜

社日 社稷神春秋三仲戊日祭於西南隅

社無定日 禮記月令云擇元日命民為社社  
稷注云元日戊日也春秋自立春後五戊為春社



立秋後五戌為秋社如戌日立春立秋則此日不  
筭 孝經緯曰社土地之主也土地濶不可盡祭故  
封土為社以報功也 春祭社祈穀之生詩載芟  
篇春藉田而祈社稷也 秋祭社報穀之熟詩良  
耜篇秋報社稷也 荆楚記云四隣並結綜會社  
具牲醪為尸屋於樹下先祭社神然後享其餘胙  
令郡縣亦祭社稷於垓鄭玄謂百家共一社尸  
屋尸音牛坎反若社為樹伐則社移

初八日

釋氏下生之日端應本起及因果經並有其事

孔子中脩經云震爻動則知有佛詳乎內典畧云  
十五日 又是迦文滅度之日信捨之家建八關齋  
然車輪寶蓋七處八會之燈以追剌體之相剌身  
為瘡以然燈閣婆國王剌身然燈以為供養

每月初一初八十五二十二日並禁刑罰屠宰

圍獵

花朝

二月十五日也 風土記云浙閩風俗言春序正  
中百花競放乃遊翫之時花朝月夕世所常言月  
夕乃八月十五日夜 宋條制守土長官於二月

十五日出郊勸農

是月也有鳥如烏日先聲而鳴聲云加格加格  
民並候鳥鳴則入田以為催人駕犂格也即鵲  
鳩

## 三月

寒食 無定日或二月或三月 荆楚記云寒食去  
冬節一百五日則有疾風甚雨謂之寒食節又謂  
之百五節秦人呼寒食為熟食日言其不動烟火  
預辦熟食過節也齊人呼為冷烟節又云禁烟節

新序云晉文公焚山求子推因燒死禁火以報之  
子推三月五日為火所焚并州為之不舉火唯青  
州一境不修此法致大電之患盡野分疆不應至  
於楚國而風雨之徵若合符契尤異也孫子祭  
子推文云黍飯一盤醴酪一盃清泉甘水充君之  
厨此其事也 先賢傳太原立子推祀之推楚骸  
有龍忌之禁咸言神靈不樂舉火周舉移書於  
子推之廟云寒食一月其已久矣去火殘人非仁  
者意今已三日而已焉周舉為并州刺史太僕舊  
俗以子推焚骸寒食一月老小不堪舉置據左傳

史記並無此事按周禮司恒氏仲春以木鐸修  
火禁於國中註云為季春將出火也然則禁火蓋  
周之舊制非為子推也 東京錄云尋常京師以  
冬至後一百五日為寒食前一日為之炊熟用麵  
造棗餹飛燕以柳條串之插於門楣謂之子推燕  
唐明皇詔云寒食上墓禮經無文近代相承浸以  
成俗編入五禮永為定式 瑣碎錄云蜀遇寒食  
日採楊桐葉汁染飯色青而有光食之資陽氣謂  
之楊桐飯道家謂之青精乾石飯今人煮麥粥杏  
仁為醪以錫沃之即古之醴醪 又有假花鷄毬

鏤鷄子乾惟蒸餅或具稭團侑牲福禮祭於先拜  
掃丘墓

嶽鎮海瀆名山大川歷代聖帝明王忠臣烈士  
載在祀典者所在有司歲時致祭

清明

二十四氣中之一節也 唐輦下歲時記云每歲  
清明內園官小兒於殿前鑽火先得者進上賜絹  
三尺金梳一口白孔六帖云鑽遂改火春取榆  
柳之火以順陽時火氣 東京錄云寒食第三日  
即清明節也禁中前半月發宮人車馬朝陵墳享

祀凡新墳皆用此日拜掃折柳插簷都人傾城出郊四野如市芳樹之下園囿之間羅列盃盤互相勸酬抵暮而歸各携棗餠炊餅黃胖掉刀各花異果山亭戲具鴨蛋鷄雛謂之門外土儀各相獻遺也

上巳

三月三日九月九日致祭於三皇廟

三月初巳日為上巳

漢禮儀志曰三月上巳官

民皆禊飲於東流水上謂洗袪除去宿垢謂之袪禊宋書曰自魏已後但用初三日不用上巳王羲之此日會於會稽山陰之蘭亭修禊事也唐

輦下歲時記云上巳賜晏羣臣在曲江傾都禊飲

女子蹴鞦韆涅盤經云鬪輪骨索其外國之戲

乎今以長繩屈懸高樹士文集袷服靚粧坐上共

推引之為笑樂號曰鞦韆歲時記三月三日四

民並出水渚沙洲之間或於園宅池沼之內為流

杯曲水之飲取黍麵菜汁和蜜為餅以為戲或為

龍舌餅以馱時氣或作粉餈邊人所掌都人士女

盛於此日周禮女巫歲時袪除豐浴鄭注云今

三月上巳水上之歡豐浴以香藥薰草沐浴也

是月也始蚕先事蚕屋五行書云三月上壬泥

歲時要金  
蚕室四壁則空蚕並祭蚕神世人種蚕於紙上恐其出之早也乃以藍藪汗紙須桑葉可食然後除其所汗併生蚕書云月直大火則續其種大火乃六月也

## 四月

立夏後申日 祭雨師雷師於西南郊

八日 釋迦佛生日也 歲華紀麗云佛以四月八

日生於母之右脇年一十九歲於四月八日夜半踰城往雪山入道六年思道不食又四月八日成

佛歲時記云四月八日諸寺各設供養以香花浴佛悉以香花禮拜出錢以灌佛案灌佛經云一灌五七灌滅無間罪以五色香水浴佛共作龍華會以為彌勒下生之徵也 東京錄云四月八日佛生日十大禪院有浴佛齋會乃煎香藥糖水相遺謂之浴佛水又有饀糜

結夏 附解夏

四月十五日乃僧家結夏之日荆楚記云天下僧尼此日就禪刹掛塔不出門謂之結夏又謂之結制蓋夏乃長養之節在外行則恐傷草木蟲類

故九十日安居禪苑宗規云祝融在候炎帝司  
方當法王禁足之辰是釋子護生之日早晚各寺  
持經楞嚴大悲尊勝神呪至七月十五日應禪寺  
掛塔僧尼盡皆散去謂之解夏又謂之法歲周圓

## 五月

端午 五月五日為端午又為天中節 齊諧記云  
是月是日屈原遭讒不見用投汨羅江而死楚人  
哀之至此日民並斷新竹筍為筒貯米投水祭之  
漢武建武元年長沙有人見之自稱三閭大夫曰

所祭甚善常苦為蛟龍所竊更有惠者願以芟葉  
或楝葉裹以五色絲纏之則蛟龍所畏也 荆楚

記民並競渡謂屈原此日投江死並命將舟楫以  
拯之遂因以為俗後世有競渡奪標為勝賞以錢  
帛越地傳云競渡越王勾踐起今龍舟是也

大禮曰午日以蘭湯沐浴今謂之浴蘭節 抱朴  
子曰五日佩赤靈符心前以辟兵今釵頭符是也

風土記曰荆楚人午日烹鷺闔中無鷺烹鷺又云  
午日菰葉裹粘米以象陰陽相包裹今角黍粽子  
是也又云午日以五綵絲繫臂辟兵鬼氣一名長

命縷一名辟兵縷今百索綬帶是也 荆楚記又  
曰午日四民並踏百草採艾為人懸之戶上以禳  
毒氣今掛蒲柳師占歲多病則艾先生酒人踏百  
草今人鬪百草戲是也又云宗則文常以五日旦  
未鷄鳴而採艾見若似人處攬而收之用灸有驗  
大戴禮夏小正偏此月蠲藥以除陰毒之氣今在  
處有摘艾採藥之說又以百種草合搗為汁石灰  
和之曝燥金瘡即愈陸士龍與車永書蒸石首  
炙魴魚異物志魴炙甘美士女或棟葉挿頭者  
風俗通有以五月五日得鸚鵡剪舌養之以教其

語是月謂為惡月多六齋放生

天寶遺事云宮

中端午造粉團角黍釘盤中以小角弓射之中者

得食都中盛行此戲

東京錄云端午節物百索

艾花銀鼓兒花花巧扇香糖果子結杏子粽子

白團紫蘇菖蒲木瓜並皆葺切以香藥相和用梅

紅匣子盛裹自五月一日及端午前一日賣桃柳

葵花榴花蒲葉佛道艾貼門符次日家家鋪陳門

首粽子五色水團茶酒供養士庶迺相宴賞泛菖

蒲酒 武士軍校禡柳於擊場

夏至 復作角黍簋新麥特牲告祠先德於正寢

是月內廬閉啓醮謂禳瘟

# 六月

師古曰伏者謂陰氣將起迫於殘陽而未得升故為藏伏因名伏日索隱曰周時無伏秦德公始作伏

三伏 無定日 曆忌釋曰伏者金氣伏藏之日也  
四時代謝此日以相生立春木伐水水生木立夏火伐木木生火立冬水伐金金生水立秋金伐火  
金畏火故至庚日必伏庚者屬金也陰陽正宗書

言從夏至第三庚為初伏第四庚為中伏立秋後初庚為末伏故謂之三伏史記註云六月上伏秦始皇之所置也 荆楚記云六月伏日其俗並

作湯餅名為辟惡 漢書東方朔為郎伏日詔賜諸郎肉朔獨拔劍割肉為其同官曰伏日當早歸請受賜即懷肉而歸上問朔曰賜肉不待詔而去何也上令自責朔曰受賜不待詔何無禮也拔劍割肉一何壯也割之不多又何廉也歸遺細君又何仁也上咲曰令先生自責而反自譽復賜酒一庖肉百斤遺細君 史記張子房從高帝過齊北



見穀城山下黃石而保祠之留侯死并黃石葬每  
上塚伏臘祠黃石以為互節 曹植賦席季夏三  
伏 潘岳詩初伏啓新節蓋言初伏也 東京錄  
云都人最重三伏蓋六月中別無時節往往風亭  
水榭峻宇高樓雪抗冰盤浮甘瓜於清泉沉朱李  
於寒冰流杯曲沼苞鮓新荷遠邇笙歌通夕而罷  
月令曰初伏薦瓜於祖禰 江浙六月朔始每暮  
慶觀音大士二十九日

是月也三時必有雨田家以為甘澤邑里相賀  
名曰嘉雨 於是雉日稻新熟以三月三日下

種百日收其穀焉蒸此穀為糲米以嘗新字書  
云擔時散米即此米也

## 七月

七夕 七日之夜也此夜云謂牽牛織女聚會之夕

齊諧記曰桂陽城武丁有仙道忽謂其弟曰七夕  
織女當渡河吾向已被召弟問織女何事渡河答  
曰暫詣牽牛世人至今云織女嫁牽牛也 周處  
風土記曰七夕夜洒掃中庭施几筵設酒脯牽牛  
織女相會守夜者咸懷私願或云見天漢中有奕

奕白氣光耀五色以此為徵應見者便拜願乞富  
乞壽乞子惟得乞一不得兼求三年乃得言之  
荆楚記載戴德云此月也織女東向蓋言星也  
春秋運斗樞云牽牛神名星經云牽牛名天關佐  
助期云織女神名傳玄搜天問云七月七夕牽牛  
織女會天河河鼓黃姑牽牛也人家婦女結綵樓  
穿七孔針或以金銀鑰石為針 宋孝武七夕詩  
云迎風披綵縷向月貫金針設瓜果於庭中以乞  
巧有蟠子羅於瓜果上則以為得巧爾雅云蟪  
蛸長崎小者名蟠子世人言在頭有喜事 風俗

記云織女七夕當渡橋使鵲為橋 天寶遺事明  
皇與妃子每七夕宴華清宮女輩陳瓜花酒饌列  
於庭中祈恩於牛女也 東京錄云七夕京城內  
外瓦子街巷皆賣摩喝樂孩兒乃小塑土偶耳悲  
以綵粧闌座紅碧紗籠飾以金珠牙翠有一對值  
萬錢者本佛經摩喉羅俗云摩喉羅是夕貴家多  
結綵樓於庭謂之乞巧樓鋪陳摩喝樂花瓜酒炙  
黃鷄筆硯針線或兒童裁詩女郎呈巧焚香列拜  
謂之乞巧婦女望月穿針或以小蜘蛛安盒子內  
至晚開視網之圓正稀密以為得巧之多少里巷

與妓館往往列之門首爭以侈靡相誇尚 漢崔寔云七日曝經史及衣裳習俗然也以去山徵音眉蒸氣

### 立秋

立秋之節玉帝司時 楚詞云菊嫩金風起荷疎珠露圓將秋數行鴈離夏幾林蟬 東京錄云立秋日京城滿街賣楸葉婦女兒童爭買剪成花戴之

### 中元

七月十五日謂之中元 道藏經云中元地官檢

校人間分別善惡其日作玄都大會于玉京山幡幢寶蓋清饌飲食獻諸衆聖道士講誦老子經十方大聖齊詠靈篇 大藏經云目連以母生餓鬼

中佛令作盂蘭盆至七月十五日具百味五果置盆中供養十方大德而後母得食目連白佛言凡弟子孝順者亦應奉盂蘭盆供養佛言大善 唐王縉傳曰七月望日宮中造盂蘭盆綴飾繆緋設高祖以下七聖位幡節衣冠皆具各以帝號識其幡自然內分詣諸道列祠饒吹鼓舞奔走相無是日幸伏百官班光順門奉迎導從歲以為常 荆

楚記云十五日僧尼坐草為一歲今結夏從四月八日坐至七月十五日長養之節恐傷殘生之物心頗脾比丘言加尸草皆我鋪其夜道俗悉供盆於諸寺孟蘭盆經云有七世功德並花幡歌鼓果食送之蓋由此也 東京錄云中元先數日市井賣冥器靴鞋幘頭帽子金犀假帶五綵衣以竹斫成三脚高三五尺織燈高之狀謂之孟蘭盆掛冥錢衣服中元日備素食以供養先祖有墳卽往拜掃禁中亦出車馬詣道院謁墳本院官給詞部十道設大會焚錢山祭軍陣亡魂設無主孤魂祭鬼

大道場

八月

初一日 四民並以收露和朱墨點小兒女頭名為天灸以厭疾也赤松子此月以囊盛松樹下露以為宜服有錯絲為之遞相餉遺 右荆楚記

秋社

秋社脩見春社 荆楚記社日以牲祀社其供帳者盛於仲春之月以社為胙悉以分饋村里按漢以八月賜大臣羊酒以助衰氣豐年族社飲食

之會擲玦於社神以下來年豐儉或折竹荻結  
草以下之謂為算也 此月雨為豆花雨 東京  
錄云秋社各以社羔社酒相賚送貴戚宮院以猪  
羊肉腰子妳房肚肺鴨蛋餅瓜茄韭之屬切作棊  
子片樣滋味調和鋪飯上謂之社飯

### 中秋

八月十五日也 唐歐陽瞻翫月序云秋之於時  
後夏先冬八月於秋季始孟終十五於夜又月之  
中稽之天道則寒暑切取諸月數則蟾魄圓故曰  
中秋言此日為三秋之中也又謂之月夕今人於

此夜賞月 東京錄云中秋夜貴家結飾臺榭民  
間爭占酒樓翫月絲簧鼎沸近內庭居民夜深遙  
聞笙竽之聲宛若雲外天樂閭里兒童連宵嬉戲  
夜市駢闐至於天曉

## 九月

九日荆楚作糖糍謂之蜜餅豫之間則謂之  
糖涼

重陽 九月九日為重陽魏文帝書云歲往月來  
忽復重九九為陽數其日與月並應故曰重陽四

民並藉野 齊諧記汝南桓景隨費長房遊學謂  
曰九月九日汝家當有大灾厄急令家人佩絳囊  
盛茱萸繫臂上登高飲菊花酒此禍乃消景從之  
舉家登山夕還而鷄犬一時暴死房曰此可代之  
今世人登高是也仙書云茱萸為臂邾翁菊花  
為延壽客故假此二物以消陽九之厄爾 陶潛采  
菊墜白衣送酒飲醉而歸孟嘉為桓溫參軍遊龍  
山風吹落帽溫授紙筆令孫盛嘲之是皆一時之  
勝事是知高士猶貴此節東坡云人生惟寒食  
重九慎勿虛擲良有以也 東京錄云重陽都下

賞菊菊有數十種無處無也酒家皆以菊花縛成  
洞戶都人多出郊登高一二日前各以粉麵蒸糕  
遺送糕以糖肉秫麵雜糅為之上標以綵小旗  
摻釘果實如石榴顆栗黃银杏松子肉胡椒仁之  
類今謂之重陽糕 又春新秫紅糕首薦先然後  
對菊泛茱萸開新酒 淵明此日坐菊叢中摘菊  
盈把刺史王弘令白衣人送酒以飲之山林之士  
亦貴此節

# 十月

小春記云天時和煖似春花木重花故曰小春此月內一夜謂之夜雨百蟲飲水而藏蟄俗呼為藥水至來春二月雷鳴啓蟄

初一日 附初五

歲時記云十月一日人家為臙俗謂秦之歲首黍臙之義未之詳也是日宰臣已下受衣著錦襖正月朔五日謂之道日新書云五日則王喬下十八日西王母下二十五日太上老君下其日道士悉作靈寶齋厨食於淨室奏保護章神異經云黃帝以奏章從北荒之獸奉道者並就大德道士

乞桃符貼戶上以防鬼氣桃者五行之精也厭伏邪氣制百鬼謂之僊木 東京錄云十月一日士庶皆出城享墳禁中車馬出道院及西京朝陵宗室車馬亦如寒食節有司進煖爐炭民間皆置酒作煖爐會又謂之開爐城市內外於九月下旬即買冥衣靴鞋席帽衣段以備十月朔日燒獻皆作糯餠或作京飽婆菜餅以祀先祖告冬之意并後拜掃先墓 漢世以十月五日以豚酒入靈女廟擊筑奏上玄之曲連臂踏地歌赤鳳來蓋巫俗也  
下元

十月十五日為下元 道藏經云下元日水官檢  
察人間善惡 明皇實錄云三元日空令崇元學  
士講道德南華經羣公成就觀禮三元正月十五  
日為上元七月十五日為中元十月十五日為下  
元

# 十一月

冬至 乃二十四氣中之一節 玉燭寶典曰冬至  
陰陽百物之始日極南影有履長之慶陰陽書  
曰晝夜共百刻每自冬至後日漸長日在牽牛影

長一丈三尺至春分晝夜各五十刻夏至長為極自  
夏至後日漸短日在東井影短尺有五寸至秋分  
晝夜亦各五十刻冬至而短極自冬至後日又漸  
長故謂之長至節復卦主事蓋陽為君子陰為小  
人冬至陽氣生而君道長故賀夏至陰氣生而君  
道衰故不賀泗人月令曰冬至日薦黍與羊先  
薦玄冥以及祖禰其進拜謁賀君師一如元日崔  
浩女儀曰近古婦人常以冬至進履襪呼公姑  
唐雜錄云宮中以女工揆日之長短冬至後日晷  
漸長比常日增一線之功 歲時記冬至作赤豆



粥說者以為共工民有不才子冬至日死為人厲  
畏赤小豆故作粥以穰之 夢華錄云京師最重  
冬至節更易新衣備辦飲食治花糕割猪羊三日  
罷市潔誠享祀先祖官放關撲慶賀往來如歲首  
吹鼓喧闐號豁聽鼓更互設晏名分冬酒 諺云  
肥冬瘦年士有五日之樂

# 十二月

臘日

臘無定之日 說文云冬至後第三戌日是也

廣雅云夏曰嘉平殷曰清紀周曰大蜡秦初曰臘  
已而為嘉平祭部云漢改為臘魏臺訪議云王  
者冬以其行之盛日為祖終日為臘火始於寅盛  
於午終於戌故火行之君以午祖戌臘木始於亥  
盛於卯終於未故木行之君以卯祖未臘金始於  
巳盛於酉終於丑故金行之君以酉祖丑臘水土  
皆始於申盛於子終於辰故水行之君以子祖辰  
臘今魏以土德王亥辰日為臘也宋王於火故以  
戌臘 風俗通曰臘者獵也因獵取禽獸以祀先  
祖又曰臘接也新故交接大祭以報功也蔡邕

獨斷曰臘者歲終之大祭但送而不迎也常言伏  
臘者皆所以祭祀也 漢以大寒後戌日為臘記  
月令孟冬臘祭先祖羅壁識遺曰鄭玄注臘卽  
周禮所謂蜡祭玉燭寶典云臘祭先祖蜡祭古神  
則蜡與臘異蜡祭因享農以終歲勤動而息之臘  
獵也獵取禽獸祭先祖重本始也二祭寓意不同  
所以臘於廟蜡於郊漢家祖臘祖者道祭也禮  
夏官大馭掌馭玉路以祀及祀較注謂祖道輶  
較磔大也詩云取羝以較詩家說曰將出祖道祀  
較之祭也備要餞送類注共工氏之子曰修好遠  
部並沐浴轉障除罪經曰白衣優婆塞黑衣比丘  
尼

是月釐歲計米而曰冬春

交年

二十四日也 東京錄云都人至夜請僧或看經  
備酒果送神燒合家替代錢紙祠竈貼竈馬於竈  
上以酒糟塗抹竈門謂之醉司命又謂之送竈禮  
器云竈者老婦之祭也盛於盆尊於瓶言以盛食

於盃盛酒於甌爨者以其有功於人之飯食故必  
報之也又云祭爨神宗婦祭饎爨祭糗爨其神則先  
炊也 許慎五經異義云顓頊氏有子曰黎為祝  
融火王也祀以為竈神又云姓蘇名吉利婦姓王  
名搏頰漢陰子方臘日見竈神以黃犬祭之謂黃  
羊陰氏世蒙其福俗人競以朮酒為祭 是夜於  
床底點燈謂之照虛耗市井皆印賣門神鍾馗桃  
板桃符回頭鹿馬天行帖子辟瘟丹等以脩除夕  
之用自入此月有貧者十數人為一夥粧婦人神  
鬼敲鑼擊鼓巡門乞錢呼為打夜胡亦驅崇之道  
也 鄉人秉高燭謂照田蚕看火色占來年水旱  
白主水紅主旱猛烈主豐收萎衰主歉今俗照田  
蚕在除夜

二十五日

舉家食赤豆粥云辟瘟出外者亦分與號口數粥  
及餉親里之持喪者 范石湖歲暮十事其口數  
粥行有云家家臘月二十五浙米如珠和豆煮大  
和糲鑿分口數疫鬼聞香走無處 歲時記是月  
也謂歲陰日反婚姻之禮最多

除日除夜

歲終一日為除日 月令云是月也日窮於次月窮於紀星回於天數將幾終歲旦更始 呂氏春秋云歲前一日繫鼓驅疫癘之鬼謂之逐除亦曰驅儺 李綽秦中歲時記云歲除日儺皆作鬼神杖二老人為儺翁儺母 唐輦下歲時記云明皇晝寢忽夢虛耗二鬼怒呼武士俄有大人頂帽衣袍捉鬼擘而啖之問其姓氏乃終南山進士鍾馗也今人掛鍾馗乃食虛耗也 禮記云儺人所以逐厲鬼也 荆楚記云除日家家具肴菽謂之宿歲之儲以入新年也相聚酣飲名為送歲留宿歲

飯至新年十一日則弃於街衢以為去故納新除貧取富閩中風俗除日以食物作舟船送窮想此意也又謂之送瘟神 除日奉先暮燒糶盆爆竹韻會注糶粉滓也一曰粥凝歲時雜記除夕作蕡燭以麻糶濃油如庭燎律有元日出糶之文今糶盆是也或作糶又呼生盆生氣也殺陰生陽也 瑣碎錄歲旦爆竹於庭世謂庭爆之禮非也神異經云西方山中有人長尺餘人見之即病寒熱名曰山臊鬼其鬼畏爆竹以竹著火中爆焮有聲則驚遁而去 南部新書云歲除日太常卿領官

屬樂吏并護童侏子千人晚入內至夜於寢殿前  
儼然爟炬燎沉檀焚煌如晝王與親王妃主以下  
觀之其夕賞賜甚渥今人除夜滿室皆點燈照歲  
事其故事也 是日賜朝士家口脂面藥澡豆  
杜詩有臘日詩云口脂面藥隨恩澤 東京錄云  
除日禁中呈大驅儼儀並用皇城親事官諸般直  
假面綉衣裝將軍門神判官鍾馗小妹土地竈神  
之類共千餘人自禁中驅崇出南薰門外轉龍灣  
謂之埋崇而罷是夜禁中爆竹山呼聲聞於外士  
庶之家圍爐守歲達旦不寐謂之守歲 鄰伍則

揄擊炒豆相逆僉搦而交納之其食且祈祈口湊  
投去聲戶則炳燭遍爇薌燒蒼术辟瘟丹復祠竈謂  
之接竈儀與迭同鄉人復秉高炬縛於竹竿上謂  
照田蚕爛然遍村野小兒歌叫以祈穀米也小兒  
云田蚕長旺穀米倍收 老幼守歲有消夜盤畀  
子夜分禴瘟神易門神桃符寫春帖 庾肩吾詩  
云歲序已云殫春心不自安聊傾栢葉酒試奠五  
辛盤金箔圖神燕朱泥印鬼凡梅花應可折惜為  
雪中看 唐太宗詩云暮景到芳殿年華麗綺宮  
寒辭去冬雪暖帶入春風階馥舒梅素盤花捲燭

歲時要全  
紅共歡新故歲迎送一宵中

閏月 杜預云搖耶指月建之中

周禮王出居寢門故為字門中王也

是月也不舉百事以非中氣事

王制 庶人春薦韭夏薦麥秋薦黍冬薦稻韭以粉

麥以魚黍以豚稻以鴈

新刻歲時事要終



